

LWOLA LWA KULINUNGA

NA CHINJIKIZO

 Chingoloshi chamwaza. Lisesa lyakupwa hano ufukuuno, kaha kwimana muli chino chihela.

² Ngwa, chimene chino, kwiza nakushikumuka mujila... Ngwafumuneho kuya nakulomba, kuvandamina hali Mwata. Kaha kwiza nakushikumuka mujila, Ngwasokolwele ha—ha radio minister, Ndumbu walunga Smith, uze ndumbu walunga wa mulatu (enu vosena mwamwivwulilanga chino chimene? Kala muli enu?) kuze, Ngwafwelele mu Ohio. Mthuumwe apwile nakungulweka yami ikiye kunangula, kaha ambile ngwenyi, “Ove kasokolole hali ikiye,” nge ngachize.

³ Ngwamuwanyine ikiye, chino chimene. Kaha ikiye apwile vene nakungulweka omwo shili yinalisale muno mukaye lelo, kaha omu chapwilenga...Kaha Ngwasokolwele lika kuhambakana haze, hakwavo heka, na kushikumuka ngwevwile weka nawa. Lwola Ngwejile hano, Ngwapwile pamo wakulizanga, kumona kachi nge ngwakotokela chikuma kwiza kuliuka, chimene chino omwo Ngwezenga nakwingila. Shikaho, etu vene twapwile nauselewa wakupwa hano ufukuuno, kaha kuzata muli chino kutanga cha Mwata.

⁴ Kaha kuhanjika hali Ndumbu walunga Neville, kaha mujimbu likumbi likwavo, kuli ou wamundende pwevo wakalemesa, ndumbwetu wapwevo uze ayile kaha nakufuma muli etu. Uze apwilenga, etu vosena tunatachikiza apwilenga, apwile Ndumbu wapwevo Weaver. Kaha kushinganyeka hali ou lunga hano, vanajimika ufuuno; ikiye...Ngwamujimikile muli echi chijiva omwo Ngwa...vakiko vatelele kuneha hano chitwamo chakalikoki. Ikiye apwilenga nakufwa, na kansa, kaha ikiye apwile kaha nauze ufuku wakuyoya; Mandotolo tele vanamuhono, ikiye apwile nakuya nakufwa chimene chashishileho. Kaha Ngwayile muzuvo yenyi nakweseka kuhanjika kuli ikiye ha kuka cha Ukalunga, kaha ikiye atwalileho kuhilukilaho, “Yami kangwatelele nge ove wizenga kuzuvo yamiko.” Ikiye ambile ngwenyi, “Kangwa—Kangwa telele mukakuzata kupwa muzuvo yamiko.” Ikiye ambile ngwenyi, “Ngumuka shili.” Oloze ikiye ambile ngwenyi, “Mwane, Kangwatondele kufwako ngachizeko.” Kaha shikaho Grace Weber, helu hano, angutwalile kuze. Nguneza kaha nakwingila, kuzeya kufuma kukuliwana; kaha kuze omwo Ngwapwile nakumulombelela ikiye, kaha kutanga Chisoneka kuli ikiye, kaha ikiye vumulwilile. Kahajino, ikiye kahashile

numba kuzundula livoko lyenyiko, oloze ikiye atondele kulimeka mavoko nakala muthu. Ikiye apwile kaha...chumachimwe chasolokele kuli ikiye.

⁵ Kaha shimbu vakiko vapwile nakulimeneka mumavoko, Ngwamwene chimweno cha ikiye kuya kuchikalanga cha tusumbi, kukinduluka cheka. Ngwambile ngwami, “Chosena chakwoloka, nachiya nakupwa kanawa jino”; kaha chize mwahichi mwaka eyiteni kunyima okwo. Kaha ikiye atumbukile helu lya kansa, lwola lwosena. Kachi ikiye afwile...Kaha kafwile na kansako, ikiye apwilenga na musongo wamuchima kaha wamujihile. Vakiko vamuhakile ku oxygen; ikiye afwile na musongo wamuchima.

⁶ Kaha jino Ngwapwile nakushinganyeka, kumakumishilo omwo vathu vapwilenga nakuya nakulovoka, kaha vakiko vembile, *Kahajino Yesu Ejile*. Muze mukiko vene chasolokele, Ikiye ejile na nakumuyoyesa ha myaka eyiteni. Kaha Ngwashingtonyeyekele, “Omu chalema.” Uze pwevo pamo katachikijileko nge ikiye apwile nakuchilinga ngachize. Kahajino, cheka, ikiye pamo apwilenga. Oloze jino omu chapwile chachilemu kupwa nachize chihanda, *Kahajino Yesu Ejile*.

⁷ Jino echi chapwile vene shimbu kanda, Ngu—Ngutalilile, kuunda chami chachinene chakuliwana. Ngwapwile vene wakulizakamina. Chimene chino, Ngwapwanga wakulijinga vene, Ngwayile na—na kulomba. Kaha Nguli—Ngulihembo vene, kukinduluka hano. Chisaka ngwachitwale ku Arizona, kaha Nguli...shikaho vavavendende vanengila kushikola. Kaha Ngunakinduluka hano kupwa kaha na—na nge kuhwimako, kuya munyanga na Ndumbu walunga Wood na lizavu lya vandumbwami hano; kuya munyanga, hakwiza chamulungu. Etu tuli nakuya ku Kentucky. Kaha Ngwapwilenga...kupwa kaha mu...Ngwejile muli lize likumbi lize—lize Pwevo. Weaver afwile, kaha chili kaha chakwoloka nge Ngwatela kupwa hano na kukafwa Ndumbu walunga Neville muli chize chililo.

⁸ Kaha Kangweseka ku...Kangweseka ku—kuhanjika chikuma hali echi ko, munatachikiza, mulivathu muli kuyayavala. Mwomwo, Ngwashingtonyeyekele, chuma chimwe kaha chili chaukeya kumona uze—uze lunga mokomoko pwevo kutwalilaha kuyayavala. Ngunapunga nakushinganyeka, “Kalunga, ngulame kufuma kuli echi.” Talenu, chize—chize cheji kuzeyesa lufwelelo lwola lwosena, munatachikiza. Ove pwako kaha—ove pwako kaha...kachi ove—kachi ove... Ngunatachikiza omu vali nakushinakajiwa, etu vosena, etu tulinakuya nakupwa nachuma chimwe kuya nakusoloka kaha chumachimwe kusoloka. Kaha Ngunatachikiza vize vyuma vili nakuya nakulilunjika, nge omu uli nakuya nakushinakajiwa, vakiko veji kupwanga kaha. Oloze Ngwashingtonyeyekele chuma chimwe chili chaukeya chikuma, kupwa Satana kuvwika

muchama ha chiyoyelo chamuthu umwe: kashinakaji walunga wakufukuluka mokomoko kashinakaji wapwevo, mwamono. Ngu—Ngunatalilila nge Kangweshi kuheta kuchize chihela. Ngunatalilila nge Nanguya nakwivwa echi, viteli vyami, kaha—kaha kuheta nahachihela kuze... Ngwatondo chiyoyelo chami kuchivwika muchama wa Upahu wa Kalunga: Kuvandamina chenye chikoki, kulilemesa, kuunda, kuvova, na kuzala na Shipilitu Wajila.

⁹ Kaha Nguli...chuma chimwe chize lwolalwosena cheji kungulemekanga kuhichila muchiyoyelo chami, chinapunga kulizakamina. Chikiko Chingutanyenga chikuma, kahajino Nanguya nakupwa wakuzeya. Ngulinakumbata...kwivwa chimwe nge kaweshi umwe eji kukuzakaminga wauchi, kaha—kaha enu muli vosena...Ove ulinacho, nawa. Kaha Nangusoloka kupwa na kupenda chikuma nachize, munatachikiza, kaha nachiya nakupwa lwola lwalupi, kaha Kangweshi numba...Chize kukokeka chikuma, kaha chize chikiko cheji kulinga echi. Kaha Nanguya nakuheta ha seteko jino lwola lwaluvulu, chikumanyi na vize vimweno vyavivulu, mwamono, vyeji kungumbatanga yami. Nangutala hali muthu, Ngwashingtonyeka, “Echi chinapu chimweno. Nduma, nduma, nduma, kacheshiko. Eyo! Kayeshiko?” Mwamono? Kaha ove muhona kutachikiza tando yenda nachize. Shikaho jino—shikaho ove—ove mulikomokela. Kahajino ove muheta hakushinganyeka, “Chamwaza, ove uli...” Kahajino ove mufuma jila na kuhanjika, “Chamwaza, jino, chumamuka—chumamuka Ngunalingi? Yami uno hano, Nguli—Nguli na myaka fifite kaha Ngunalingi vyauchi ngwamulingila Mwata; kaha Nguli—Nguli nakukula. Kaha chumamuka...? Mamaah, yami.” Kahajino enu munahase kupwa na...vize vapwilenga nakuvuluka “kuhomba.” Enu vamwe vandumbwami vamyaka imwe munanuka vize vakiko vavulukilenga kupwa “vyakuheha ushona.” Popu avwulilenga kuhanjika hali echi kaha Ngwalikomokelanga omwo ikiye atwalilenga, kaha Ngunakunyuka jino ngunejiva omwo ikiye atwalilenga. Shikaho jino, ove muheta nahakwivwa mujila ize, ize yinahono kupwa muchano; shina ove kaha, unatachikiza. Talenu, munatachikiza, shina ove kaha uli nakuchilinga chize.

¹⁰ Shikaho Ngwapwilenga nakweseka kuliunjisa amilyavene chindende jino, kaha kupwa wakulizanga ha—ha kushinjika chize Ngunatalilila kwiza washi washi. Kaha jino kuhita... Ngwatela kuya ku New York hano vene, kaha Nguli...na kupwa nakuliwana kuze, kwambulula. Kahajino kuze ku Shreveport, kahajino kuya cheka ku phoenix. Kahajino kwiza nakujinguluka kumulako...ku sango kungiza na United States. Kahajino vakiko vali nakuliwahisa ha kuya kusali yatulungalwiji jino, kuputuka washi washi nge omu natuwahishila hanyima ya mwaka wakulivanga, pamo Kuwana, Kambambanalisa, chuma

chimwe nge ngachize; kuze enu namuputukila mu Stockholm mokmoko Oslo, kaha kuya nakujinguluka kaye, kachi nge natuhasa muli echi kujinguluka chili nakwizaho.

¹¹ Kaha jino Ngulihembo, kupwa kaha nakunoka chindende, kupwa kaha nakukinduluka kunyima amilyavene na kupwa kulitungulula. Kaha kachi Mwata netava, Nanguya nakukinduluka Chalumingo nachizaho, kufuma ku Kentucky. Kaha—kaha kachi chinoloka, chakwivwisa kuwaha Mwata, na Ndumbu walunga Neville mwahona kulizakamina; chamwaza, Nanguya nakweseka kupwa na kutanga Chalumingo nachizaho, kachi—kachi Mwata netava. Kaha kachi Ikiye netava nge omu ali Ndumbu walunga Neville, Nangu—Nanguya nakupwa hano. Eyo mwane, Ikiye kupwa kaha nge. . . kachi Ikiye netavila hali echi nge Ndumbu walunga Neville. Ngunatalilila mukiko ali na Ikiye. Jino, talenu, kahajino Ngunatachikiza Nguli washi washi, kachi Mwata netava, Ngulinakuya nakufuma hano chindende.

¹² Kaha Nguli. . . jino na mijimbu yayindende, nge Nguli kaha na kwanda yimwe yayindende ili ha muchima wami, jinonyi Nguli—Nguli—Nguli na kwivwa nge Ngwatondo kuyisolola kuli enu, mwamono, kaha etu natuya nakupwa na kulikata hayikiko. Jino, Ngukwechi yimwe yayindende, faifi mokomoko sikisi kaha yejile kuli yami mumakumbi amandende. Kaha Ngwayile, makumbi amandende hano, muunyanga wamihale hano. Kaha Ngwayile muchipapa, kaha kumbata sonekeso yamakala na lipapilo. Talenu? Jino pamo ha lwola kwapwile kwamwaza kaha namusana, Ngwakundaminyine ha mutondo kumwe. Kachi Nanguhona kusavala, Ngwaputukile kulomba, kaha jino Ngwa, Mwata mwaya nakunguhana chumachimwe, Ngwaputukile kusoneka vimwe vyacho, mwamono. Munatachikiza omu Ngwatwale; omwo namuya naulihilukamo, kahajino ove. . . Kahajino hano Nguneza nakwingila, kuvisoneka halipapilo. Kaha jino omwo Vangusanyikile, Ngwalahile nakumbata kamukanda na kuya nakutalatala nakuhitulukamo na kutala Nanguputukila halihi, mwamono. Omu mukiko chasolokele jino.

¹³ Shikaho jino, Ngwatondo, kachi Mwata netavila, kuhanjika kaha. . . Ngulinakweseka kulinga. . . kuvatula vize vyavinene, mijimbu yayisuku, mwamono; haze nachimimbata jiola. Kaha Mwata angukafwile kulinga mulimo wamwaza wawihi muze mu Chicago, ufuku unahichi kuze, pamo minyutu seti. Kaha muthuumwe ejile nakujinguluka, ambile ngwenyi, “Ngunahono kushinganyeka nge chapwile muli enu, oloze kamwachilingileko!” Shikaho minyutu seti, kufuma pamo ku jiola jivali na chimbwa, mokomoko jitatu, munatachikiza. Shikaho pamo Ngunahase kuzangula ufukuuno na kupwa nakulongesa chachindende, keshi kumishimbwisa chikumako.

¹⁴ Kalunga amikisule. Numba kwosena Ngweji kuyanga, kakweshi kupwa chihela nge echi hano ha mbalaka. Hali

hembo, limbo liyema. Kaha Nguli muushona na chisaka cha Weaver. Kaha na ou ndumbu walunga wamulatu uze afwile, Ngwalombele na ikiye chindende shimbu kanda ikiye ayenga, kaha vilinga vya mwaza. Kaha ikiye ali kwimbo na Kalunga jino, kaha chinahichi lyehi. Kaha enu mwatela kuya kaha, kaha etu vosena tunatachikiza ngachize. Shikaho etu tuli... echa Mwata anokese myono yavo mukuunda, kaha likumbi limwe etu tuli nakuvandamina kulinga Mulifuchi lya musali, kuze kakweshi misongoko, ushona, mokomoko kufwa. Palanga jino, echa tulinge vyumavyosena etu natuhasa ha mujimbu wamwaza.

¹⁵ Kuhanjika haukalu, Ngwapwanga nakulomba hali chize na chimene chino. Nanuya nakulinga ngachilihi kachi ove kawapwilenga na ukaluko? Shinganyeka hali echi. Ukalu unapu chihanda chakuyoya. Chize changulingishile omwo Ngwashinganyekele hali chize. Kachi enu mwapwile na ukalu, namuya nakupwa nge lilambu, enu kamweshi kuhasa kupwa na vyakwivwako. Kakweshi kukapwa nachumako chakuzachilaho. Nge lunga na pwevo, pamo kachi ikiye natondo kulinga chuma chimwe, kaha vakiko kweseka kuzachila hamwe (chikumanyi Vakakulishitu), kaha mukwavo umwe atondele... Kaha jino omwo enu namwiza hamwe na...enu namuwana chuma muka ikiye nalingi; ikiye awanyine... Talenu, ukalu vene weji kumineha hamwe. Kaha muthu umwwe kukulweka ove, "Chamwaza," ambile ngwenyi, "shinganyeka kaha hali uze pwevo wamundene uze ayile na maukalu omwo enu mwahonene kupwa wamwaza," mokomoko "lunga kuya mwishi ya maukalu amwe omwo enu mwahonene kupwa wamwaza. Kahajino omwo nachipwa chosena vanachikonekela, tala omu enu namwivwa hali ikiye. Yami, enu namupwa kaha..." Talenu, enu mwatela kupwa na ukalu. Mukiko kaha.

¹⁶ Kaha shinganyeka kaha, vyakwivwa, ngachilihi nge kaweshi kwivwa kala kwivwako, kukola chauchi mokomoko vyauchi? Ngachilihi kachi kaweshi kuhasa kwivwa kukolako? Enu kamweshi kwivwa numba kwivwa ko. Talenu? Kaha kachi ove kawapwile na kwivwa, jino imwe ha vishinganyeka kaha yinafuho. Talenu? Shikaho, talenu, vyuma vyosena navipwa vya kwoloka jino. Shikaho, "Kalunga, atuhane kaha likoji lya kwimana," chize chikiko. Kachi etu natwimana na lize likoji, kaha kwimana na kuhanjika, "Etu tunatachikiza nge omwo echi chiyoyelo nachikakuma, umwe wamunene kusali kuze etu tuli nakutala nakuya." Kaha jino, etu—etu tunanuka nge vyosena vyuma, uze ukiko ukalu.

¹⁷ Nge, vathu vamwe kweseka kuneha Ukulishitu, uze "ove uli wakukasunuka kufuma mukulizakamina. Ove uli..." Nduma, ove kaweshi ko. "Ove unakasunuka kufuma muukalu." Mamaah, nduma! Ove uli nakuhaka ukalu omwo ove mwiza nakupwa Mukakulishitu, mwomwo ove unapu muyachi wakufwana kuli

kulizezela nakuhona kuhakako mangana, kala mwosena omwo chapwile kuze, keshi kulizakamina chuma muka ove walingile.

¹⁸ Oloze omwo enu muneza nakupwa Vakakulishitu vavene, lwola hilwola enu muli nakulikomokela, “Yami Nguli nakumuvwisa kuwaha Mwata wami? Kachi Nanguya na kwivwa kufuma kuli Ikiye!” Echi nachineha ukalu, kukuhaka ove haulonda. Mukiko kaha nachikulingisa ove kupwa omwo uli. Shikaho hanyima ya vyosena, ukalu unapu kukisula. Echi chinapu jila ove watela kutala hali chize. Echi chili mujila enu muli nakutala hali chize. Talenu? Kachi enu namutala kaha kusali ikwavo, kuze kuli—kuze kuli... Chipwethuhu namusesula kalachuma, chohimwe enu naupwa lika na vihanda vivali, mwamono. Shikaho enu mwatondo kumona vihanda vyosena vivali.

¹⁹ Shikaho ukalu... Ngwashinganyeka, “Mamalelo yami, echi chili... Nyi ou ukalu unapu uka? Kachi Ngunahase kusemuka chakuzeneka ukalu.” Chamwaza, kachi Kangwapwilenga na ou ukaluko, Kachi kangweshi nge omu Nguliko. Kachi kangweshi Mukakulishituko, pamo. Echi chapwilenga uze ukalu ukiko wangukokele kuli Yesu Kulishitu. Talenu? Shikaho, echi chinapu chuma chakukisula kuli yami.

²⁰ Shikaho jino, nge omu ahanjikile Paulu, nge chipwe apwilenga na ukalu mokomoko chumachimwe mokomoko chikwavo, ikiye ahulile Mwata ku—ku chimbata nakuchifumisa muli ikiye kapapa katatu. Kaha Mwata ambile ngwenyi, “Saulu, Yami... Paulu, likoji Lyami linatemo.”

²¹ Ikiye ambile ngwenyi, “Kahajino, Nanguwahilila mukukemenena chami. Kahajino omwo Nguli wakuzeya, Ngunapu wakujikiza.” Talenu? Kachi kaha chinapu muchima wa Kalunga, chosena chakwoloka.

²² Jino, Ngwamuhulile Ikiye lwola lumwe omwo apwilenga ndumbwami walunga chikuma, changwivwishilenga woma. Kaha Ikiye angulwekele, pamo hamyaka eyite mokomoko teni kunyima okwo, Ikiye ambile ngwenyi, “Echi kacheshi kuhasa kukakuvwisa cheka womako.” Kaha kachi kachalingikileko. Nduma, mwane; kanda—kanda kulikomokela hali chizeko. Nguli kaha nakwivwa, oloze Ngunatachikiza nge kuchili kuze; oloze Nguli kaha nakuya mwomwo kachangwivwisa woma chekako, shikaho kusakwilila hali chize.

Jino, Ikiye kachi ambile ngwenyi, “Echi kacheshi kukapwa chekako,” chochimwe nge, “Ove kawatela kupwa nawomako chekako.”

²³ Shikaho echi chinapu muchima Wenyi nge echi chisoloke, shikaho Nguli kaha nakwitavila echi nakuhanjika, “Ngwakusakwilila Ove, Mwata, Nanguya nakutambuka ize jila.”

²⁴ Jino, echa etu tunongamenu mitwe yetu tando yayindende mangana—mangana tulombe. Kuli chuma chakulimanyina tulombeleho? (Ngunamono malesu ali aha.) Zundula livoko lyove. Mwata, kisula vana Vove vosena.

²⁵ Ove Tata wa Mwilu, nge omu jino tulinakupandama kunene Wove, Litanda lya likoji lyaundume, mwomwo etu vanatulombo kwiza. Etu tuli nakwiza hakutusanyika cha Yesu Kulishitu. Kaha etu tuneza na kuzakama chetu chosena, na kuchimbila kuli Ikiye mwomwo Ikiye eji kutuzakamina etu. Chuma chakuvendejeka chachinene kana, kutachikiza nge Ikiye eji kutuzakamina etu. Uze Kalunga wamunene wa Mwilu, uze Tengi, eji kutuzakamina etu, tengeso Yenye. Etu tuli vakuwahilila hali chize, Mwata. Kuvendejeka kana mulwola lwolumwe elu tuli nakuyoyelamo, omwo kulinakusoloka kupwa nge ali wakutelamo ku—ku kuneha kuvendejeka kufuma keshi mwekako oloze Lizu Lyove. Chize chinapu nganyo, lunapu Lushiko Lwove. Kaha mu Lushiko Lwove, Ove wahanjikile kujimbula kutonda chetu, kaha “Kachi ove muya nakulomba kalachuma mu Lijina Lyami, Nanguya nakuchilinga.” Kaha awa Malushiko amanene osena: “Lomba kaha naukaya nakutumbula. Hanjika kuli eyi pili, ‘Tutuluka,’ kaha kanda kukakasanako, nayikaya nakututuka.” Malushiko Osenawa, kaha etu tunahse kufumisa muli Chize echi tulikaha nakulomba.

²⁶ Mavoko azundukile helu, vakiko vatondele chumachimwe, Mwata. Ove unatachikiza kutonda chove; vahanecho, Tata. Ngunahake kulomba chami na chavo kumeso Ove, mavoko ami na avo. Ana savala hali eji jimesa jakusonekela hano, malesu awa aha. Mamalelo, omu vathu na lufwelelo, lufwelelo lwalunene, Mwata... Kusoloka kupwa kaha chumachimwe chize Ove vanakukisula nacho, kupwa vakutela kulombelela vathu vakuviza. Kala kwosena, kwosena, kala kwosena Nanguya, echi chili chumachimwe cha kulombelela hali vakakuviza. Kalunga, tukafweko jino. Ngwalombo na kushishika echi nge Ove nauya nakutuhana echi kutondandeka cha awa malesu vanahake hano, vathu vanalombo. Echa keke Yove yipwenga hali vakiko.

²⁷ Mwata, etu tunevwushisa nge Ndumbu wapwevo Hicks ali napwevo hano, uze akwechi lipwema lyakushimbula mangana kumulombelela, na kansa; kaha atondanga kutachikiza kachi ikiye nahase kumumbata nakumuneha hano. Ngwalombo, Kalunga, nge Ove unyenga nakulama mwono waou muthu; tuhanecho echi. Muhya wami wamundende, Mikie, nasavala kuze naviji na kusaza, na chishika chikuma, ngwamusezanga kuchikolo. Mwata, Ngwa—Ngwafwelela etu twapwilenga nalilombo lya lufwelelo haze Ove wemikile, kaha Ngu—Ngu—Ngunasakwilila kuli Ove, kwivwa chishika kufuma muli kanyike shimbu kanda Nguseze uze kapete.

²⁸ Jino, Mwata... kaha Ngwakusakwilila ha vyuma vyosena. Jino echi chinaholokela hali yami kuhanjika Lizu Lyove. Tuhane

etu Lizu Lyove, Mwata. “Lizu Lyove linapu Muchano.” Kisula myono yetu na kuhana etu eli—eli likoji etu tunatondo, nge etu pamo tunahase kufumisa muli awa Malushiko a Kalunga ufukuuno, mu Lizu, kutukafwa etu kuhita mumulungu wosena; tuhane echi. Kisula kafunga ketu, ou mwono waunene, pwevo lyenyi, vana venyi, vakakuzata muliuka, vakufwelela muliuka, kaha kala muthu uze mweza nakwingila mokomoko kulovoka muli ino zuvo; tuhanecho, Tata. Mu Lijina lya Yesu Kulishitu etu twalombo eji jikisu. Amena.

²⁹ Jino, Ngwatondo kutanga kufuma muvihela vivali mukusoneka cha Mwata. Ngwatondo kutanga chatete kufuma mu Mukanda wa Jisamu, Jisamu 86. Kaha jino Ngwatondo kutanga kufuma muli Mukakujila Mateu, kapetulu 16, 1 na 3. Kaha Ngwatondo kutanga chihanda cha mu Jisamu, keshi yosenako oloze kushikumwisa na vasi 11, ize yinapu pamo chimbwa cha echi.

³⁰ Kaha Ngwatondo kuvilika echi, kachi Nanguchivuluka kupwa kutangisa, shimbu kanda Ngunangule hali echi: *Lwola Lwa Kulinunga Na Chinjikizo*. “Lwola lwa kulinunga na Chinjikizo,” echi chinevwakana chachikalu. *Kulinunga* (Talenu?) *Lwola*, lwola lwa kulinunga, mukiko chili jino. Kaha *Chinjikizo* cha luze lwola lwa kulinunga.

³¹ Mu—mu Jisamu, lilombo lya Ndavichi, mu Jisamu 86.

Ove YEHOVA, tengeleka matwitwi Ove, ungwitavize: mwomwo Yami ngumukakuhutwa nakukalikiza shikaho.

Lamanga mwono wami; mwomwo Ngwakuzakama: Ove Kalunga kami, ngulwile yami ngamba yove ngweji kukufwelela kuli ove.

Ngutetele, Ove Mwata: mwomwo Ngunakuzundula mwono wami kuli ove.

Wahilila mwono wa ngamba yove: mwomwo kuli ove, Ove Mwata, Ngunahase kuzundula mwono wami.

Mwomwo ove, Mwata, uwamwaza, weji kukonekelanga; kaha ukwechi likoji lyalivulu kuli vosena navakusanyika.

Ove YEHOVA, Tengeleka matwitwi, ove kukulomba chami; . . . iwulila mulizu lya kulembelela chami.

Halikumbi nangumona luyando Nangukusanyika ove: mwomwo ove nauya nakungwitavila.

Mamalelo, echi kacheshi chamwazako? “Ove nauya nakungwitavila.”

Muli tulunga kamweshi kamweshi umwe nge oveko, Ove Mwata; kakweshi vilinga vyeka nge vilinga vyakufwana nge vyoveko vilinga.

Va kamafuchi osena ava unatenge navakeza nakulifukula kumeso ove, Ove Mwata; ove navakatohwesa lijina lyove.

Mwomwo unene wove, weji kulinganga vyuma vyakukomwesa: ove uka wove u Kalunga.

Ivwulilenu jino:

Ngunangule mwaya jila yove, Ove YEHOVA; Nangu—Nangutambukanga mumuchano wove: nunga muchima wami mumwe kaha mangana nguvwenga lijina lyove woma. (Kununga! Talenu?)...nunga muchima wami mangana nguvwenga lijina lyove woma.

³² Nguli jino nakuhanjika ha lwola lwa kulinunga na chinjikizo. Jino, mu kapetulu 16 wa Mukakujila Mateu:

Jino va Fwaliseu nava Satuse vejile, . . .vamwesekele ikiye, nakumulomba ngwavo avalweze chinjikizo chakufuma mwilu.

Oloze Ikiye avakumbulwile ngwenyi, Hakulembalemba cha likumbi, enu mweji kulyambanganga ngwenu, Nangu . . .Vula yauchi: mwomwo lilu linachilana.

Kaha nachimene ngwenu, nakuya nakupwa . . .lelo natumona vula: mwomwo lilu linachilana nakufwinda shikaho. Mamalelo enu vakakulyonga, enu munatachikiza mwakwesekelevi navihita helu; oloze vinjikizo vyamakumbi ano munavihono?

Echa Mwata ahake kukisula Chenyi cha likoji kukutanga cha Lizu.

³³ Jino, etu tuli nakuhanjika ha kulinunga, lwola lwa kulinunga; chinjikizo cha lwola lwa kulinunga. Talenu, Yesu apwilenga hano, mu Chisoneka chamakumishilo tunatange, Ikiye apwilenga nakutenukila vakakunangula hakuhona kuhasa kutumbununa lwola mokomoko chinjikizo cha lwola. Jino, nge chinapunga lwola lwosena chuma chachinene kuli vathu, talenu, kupwa vakuhasa kutumbununa *chinjikizo cha lwola muze vali nakuyoyela*; mwomwo Kalunga nachisoneka hatoma to naumwe pimi nahase kuchichina.

³⁴ Jino, mukulumbununa, Nangukinduluka na kumbata kufuma muli vakakuzata veka, va ngamba veka va Mwata mu lwola lwa Mbimbiliya (nge chinjikizo cha lwola lwa Nowa, chinjikizo cha lwola lwa Ndanyele na—na vyangocho, vinjikizo vyakuhandunuka), oloze Ngwatondo kuhita chize ufukuuno ku—ku lama lwola, kuhasa kupwa na . . .Oloze echi chili lwola lwosena yinapunga jila ya Kalunga, kuvahana vakiko na—na chinjikizo cha lwola, mangana muthu wosena ahase kutachikiza lwola muka echi—echi chapwilenga. Kaha va Fwaliseu vatelele kutachikiza lwola lwavo. Vakiko vatelele kutachikiza lwola

muka lwapwilenga. Ikiye ahanjikile muchihela chikwavo, “Kachi enu muna Ngutachikiza, enu kachi munatachikiza likumbi Lyami.” Talenu? Echi—echi vene, kupwa—kupwa chuma chachinene etu tunevwushisa. Talenu, “Chakuzeneka kwivwushisa!”

³⁵ Mukiko vakiko lwola lwosena vanenyikanga kuli tupolofweto hali echi, vakiko vambile ngwavo, “Kaha ikiye apwile nakwivwushisa, ha chimweno kufuma kuli Mwata. Kaha eli Lizu lya Mwata lyejile kuli va—va polofweto vakumwaka.” Talenu, vakiko vapwilenga nakwivwushisa kuhichila mu Lizu lya Mwata, ha tupolofweto. Kaha jino, tupolofweto navahana chinjikizo. Nge, lunga umwe asavalile kusali yimwe ha lwola lwalusuku, kahajino kwalumuka nakuvala kusali ikwavo. Lunga umwe azulile uvwalo wenyi. Kaha mamalelo, kuli vyuma vyavivulu vakiko valingile kusolwesa nge vakiko vapwile vakakuyoyelamo. Kaha jino etu tunatachikiza nge Kalunga atenga melu na mavu, kaha—kaha shikaho kufuma mumilimo Yenye ize Ikiye mwaya nakusololamo lwola Lwenyi na chinjikizo, halwola lwolumwe Kalunga mwayoya na lelo. Shikaho etu twatela kupwa, chumachimwe... Nge omu etu natumona elu—elu lwola etu tuli nakuyoyelamo, kwatela kupwa chumachimwe chize muthuumwe kuhona kutala, kumakumwe. Talenu? Mwomwo Kalunga keshi kuhasa kwecha vyuma kana kusoloka chakuzeneka kutuhana etu chinjikizo chivene, kuze kuli, nge—nge etu twatela kwivwushisa.

³⁶ Jino hano hakiko hali chuma lelo, nge mukakunangula, etu katweshi nakutanga mwakwolokako. Echi chili kaha nge omu chapwile jino, vakiko kavashinganyekele nge lwapwile lwola kanako. Vakiko—vakiko vashinganyekele nge vakiko vapwile nakuyoya kanawa mukuunda jino, kaha shikaho vakiko kavapwilenga nakutala hali Meshiya ko. Kaha Yesu nahanjika nge Kwiza Chenyi nachipwa nge “mwiji na ufuku,” omwo va—omwo vathu navapwa vakuzeneka kutachikiza Kwiza Chenyi. Oloze kwapwile vamwe vasanda vaze vayile nakuliwana na Ikiye, chimbwa cha vakiko, vapwile na maji mumanongo avo kaha vapwilenga vakulizanga; vakiko vapwilenga nakutalila chize chinjikizo. Kaha uze ikiye uze Ngwapwilenga nakuhanjika na ufuku, talenu, kuli vaze valinakutala ha chinjikizo jino, chinjikizo cha Kwiza Chenyi.

³⁷ Vize vinjikizo vavihanyine, hali Mwata, vyakuhana kaha kuli vakakufwelela. Va kakuzeneka kufwelela kavahasa kumona chizeko. Vakiko vayile helu lyavakiko, kaha vakiko kavamonako. Kaha jino, kupwa kaha wakukunyuka nge ali Kangelo ka Kalunga vanahase kwimana ha kamenga ufukuuno, kupwa kaha muchano nge—nge Nguli nakutala hali ove, kaha Ngunahase kutala hali chize; mokomoko enu munahase kutala hali chize kaha Kangwahashile kumonako, mokomoko Ngunahase kutala hali chize kaha enu kamweshi kuhasa kumona chizeko. Jino,

munatachiza nge Chisoneka; nge echi chinapu vene Muchano. Vakiko vamwe... Munamono Paulu aholokele hamavu, oloze vakiko... naumwe wavo ahashile kumona chize Kumunyika.

³⁸ Chize Kumunyika chapwile chakwoloka kuze omwo Yowano emanyine kuze kumeso ava mayongomena, kaha masauzande kuze kuchana, cha vakakunangula na—na vathu vakamangana, vindume ja malunga. Kaha Yowano ambile ngwenyi, lyavene, ikiye apwile naunjiho wakumona Shipilitu ya Kalunga kusuluka nge katela na kwiza nakutwama hali Ikiye, kaha Lizu kuhanjika, “Ou napu Mwa Nami walunga muli Ikiye mukiko Ngwevwile kuwaha kutwama.” Kaha kakweshi naumwe amwene Chizeko oloze Yowano. Talenu? Chapwile kaha cha ikiye.

³⁹ Mwamono omu chili hatoma, chinjikizo cha malunga vakamangana? Vakiko vatalile, kuze kwapwilenga... Vakiko vapwilenga va Hepelewu. Vakiko kavapwilenga vene va Indian vaze vakukutanga utangatanga, vakiko vapwilenga va Hepelewu; mwomwo vakiko vapwilenga kuze muli lize lifuchi nakutanga vitengo vya muutangatanga, kukumisa shikola yavo. Kaha omwo vakiko vapwilenga... vatalile kutalisa ku Yelusalema, kaha kutachikiza nge vakiko vamwene vaze vatanganyika vatatu kufuma muli umwe wavo—umwe wavo wajila yakusemuka, ya Ham, Shem, na Yafwete, uze muyachi kuze vafumineko, vosena, kaha vakiko vavamwene vaze vatanganyika muze vene mujila yakusemuka. Chize chapwilenga chinjikizo kuli vakiko, omwo vaze vatanganyika vapwilenga mumukana, uze Meshiya apwilenga hano hamavu.

⁴⁰ Mamaah, yami! Shikangaho vejile, “Ali Kulihi? Ali Kulihi uze nasemuka Mwangana wa va Yuleya? Etu twamono Tanganyika Yenji Kumututuko, kaha tuneza tulifukule kuli Ikiye. Ali Kulihi?” Vakiko vatachikijile nge kamba Meshiya apwile nasavala kumwe, mwomwo Kalunga avahanyine chinjikizo cha luze lwola, nge Kalunga na muthu vapwilenga nakulinunga hamwe. Kulinunga kana, omwo Kalunga alinungile Lyavene mumujimba wa muthu! Punga ivene, kutohwa cha kulinunga chosena chize chalingikile, chapwilenga omwo Kalunga alinungile na muthu; kaha kuseza kutohwa Chenyi—Chenyi cha kupwa Kalunga na kutanduula mbalaka Yenji na kupwa na uthu, kaha kwiza nakupwa umwe wavo, nakuvasokola vakiko. Kulinunga. Chize chikiko chika? Chize chanehele kuunda mukachi ka Kalunga na muthu hayamyaka. Omwo twapwa vakusakwilila.

⁴¹ Kaha vinjikizo kavavitumine... Jino shinganyeka kaha, muthu wosena, kaha vakakutanga utangatanga; vathu, aze makumbi, jikoloko javo japwilenga vatanganyika. Kuze kwapwilenga kalama apwilenga nakuya helu lya—uze kaposhi, kaha ikiye mwakanduka haze na kutala. Kaha ikiye amwene tanganyika umwe apwilenga mulizavu lya vatanganyika, shimbu vapwilenga nakuhita, ikiye atachikijile lwola muka

luze. Enu anukenu mu Chisoneka, “Lwola muka elu, kalama?” Kaha uze kalama kwiza nakukinduluka na kumulweka ola muka yapwilenga. Talenu, vakiko valaminenga lwola ha vatanganyika.

⁴² Jino, echi chapwile chaungejiko nge vaze vatanganyika vapwile vene mumukana mwomwo yavaze malunga vatatu kaha naumwe pimbi avamwene? Talenu? Kupwa kaha mumukana. Jino, enu kamweshi kuhasa kupwa ngochoko mumukana na Chisoneka. Talenu? Omwo vaze vatanganyika vejile nakulinunga, valinungile hamwe muli lize lizavu, malunga vatatu vavanungile halwola lwolumwe. Kaha enu vanahase kuminunga na Kalunga, mu Lizu Lyenyi, palanga vyumakana naviza nakupwa mumuchano, kaha enu munahase kumona vakiko na kutachikiza nge vakiko kupwa muchano. Talenu? Chize chinjikizo cha lwola! Enu munahase kutala hazevene helu ya echi, kuhanjika, “Ha, uleya!”

⁴³ Oloze kuli *enu* keshi uleyako. Kuli enu, muli vakununga na eli Lizu, kaha hano Echi chili. Kahajino echi chili—echi chili Kumunyika chivene, Ndumbu walunga Pat, omwo—omwo—omwo enu namumona echi chinjikizo kulinunga na mukakufwelela. Kaha uze ikiye Nguli nakutwala kuli ikiye, uze mukakufwelela, mwomwo mukakuzeneka kufwelela kamonako. Kaha kutenukila kana nachipwa kachi Ikiye apwilenga hano hamavu lelo, kuli vavavulu vakakunangula valelo, vaze navahona kutanga echi chinjikizo; evi vinjikizo evi etu tuli nakutanga hakumbi hakumbi hano ha mbalaka, kaha kumona vyuma. Kaha veka vali nakutanga na kumona kusoneka ha mbango, kaha ohonyi vavavulu kuchiliula, kaha kuhona kumona vyosena. Echi keshi chumako kuli vakiko; vakiko kavamonako.

⁴⁴ Jino talisenu, nge muli echi, nge Akiko—Akiko enyikile vinjikizo vya lifuchi. Jino, omwo vakiko vamuhulile Ikiye hali echi, vakiko vatondele vinjikizo; kaha Ikiye ahanyine vize vinjikizo nge visoloke. Kaha vakiko vatondele kutachikiza kaye nakakakuma ngachilihi, nyi chinjikizo chamakumishilo chika. Kaha Ikiye avenyikile kuvihela vyavivulu kuhichila mu Chisoneka ha vinjikizo vya lifuchi, ha chinjikizo cha mwilu mu melu, kaha chinjikizo chahamavu; Ikiye ahanyine vakiko vinjikizo, chinjikizo, vinjikizo, kupwa lika chinjikizo. Kaha omwo... Ikiye avalwekele vakiko kuli chihela chimwe ha chinjikizo cha lifuchi. Ikiye ambile ngwenyi, “Omwo enu namumona awa mafuchi,” talenu, “kuputuka kukungulukila mu Yelusalema,” talenu, kahajino etu tunatachikiza lwola lwamaukalu anahete lyehi, “omwo namumona Yelusalema vanayijingilika chendo kuli maswalale.”

⁴⁵ Jino, shimbu kanda vakiko valinge echi na chize, Kalunga... aka kaye katela kulinunga. Titus, uze Kaloma mukulwane wamaswalale wamunene, avanungile maswalale hamwe na kwiza nakujingilika, hanyima ya Vayuleya tele

vanakane chinjikizo cha kufuma kuli Kalunga chalwola kuli vakiko. Luze lukiko lwola Titus anungile maswalale jenyi hamwe, kaha kwiza nakumbata mbongi. Chatete kwatela kupwa kulinunga cha vathu ja Kalunga (vaze vavuluka) nge vakakulikanga ku Lizu lya Kalunga, shimbu kanda lize lifuchi lihase kulinunga livene kufumbukila vathu ja Kalunga. Talenu, chize—chize—chize kulinunga, chize kulinunga; kulinunga hamwe.

⁴⁶ Ngwafwelela nge etu tulivakuyoya lwola lwalunene lwakulinunga. Ngulinakuhanjika hali awa malaiti achila, na vimweso na vyuma vyosena (vya uze pwevo, omu veji kulinganga; kaha malunga, omu vakiko veji kulinganga; na mauka, omu vakiko veji kulinganga), kusolwesa kuli eli lizavu lyalindende, na muchima wami wosena, nge Ngwafwelela nge etu tuli vakulinunga mumukana wa Lizu lya Kalunga muli luno lwola lwaupolofweto, shimbu kanda Kwiza cha Mwata Yesu; kulinunga hamwe na kupwa vakulizanga lyehi.

⁴⁷ Jino, mwamono, shimbu kanda Titus anunge mafuchi... maswalale jenyi hamwe, Isalele valinungile vavene hamwe na kukikasa vavene, nge vakiko kaveshi kufwelela Yesu ko kupwa Meshiya. Vakiko Vamukanyine, kaha Vamuhungile, kaha Ikiye vamusukikile. Kaha jino, omwo vakiko vakanyine ulwilo uze vatumine kuli vakiko, vakiko valinungile vavene hamwe nakuchilinga. Jino, kwatenu echi muvishinganyeka: kulinunga vavene hamwe, kukana Mujimbu wa ola! Vakiko valingile ngachize. Kaha jino omwo vakiko valingile ngachize, jino chinjikizo cha lifuchi chejile nakwingilamo.

⁴⁸ Mafuchi aputukile kulinunga avene hamwe, kaha Titus anehele maswalale ja Vakaloma na Greeks nakujinguluka jimbango ja Yelusalema, kuvasokelamo vaze vathu muze vene jino, kaha vakiko vafwile zala na kufwa. Vakiko valile vipalapala vya mitondo. Josephus use mukakusoneka mijimbu yakunyima, atulweka. Kaha vakiko kulya mwila hamavu hosena. Vakiko vaputukile kuliteleka mwana umwe na mukwavo na kulya; talenu, kaha vakiko vapwile nge vathu vakuzaluka. Kaha jino owmo, makumishilo, Titus, ikiye atwamine kuze kuyima yajipili, kuze ku Yelusalema, kaha—kaha vathu muze vashinganyekele nge vakiko vapwilenga nakulinga mwaya muchima wa Kalunga, omwo vakiko vamwene vaze maswalale kwiza. Vakiko vakanyine kwivwulila nge Mukulwane Wamunene, Mwata Yesu, navalweke ngachize.

⁴⁹ Kuze kwakapwile numba umwe Mukakulishitu vakwachilile muzeko, mwomwo vakiko vamwene chize chinjikizo nakuchina. Talenu? Vakiko vambile ngwavo, “Echa vaze vali helu lya zuvo kanda vakasulukahoko, mokomoko uze ali muwande kukinduluka, nakumbata chikuto chenyi; oloze akachinyine ku Yuleya, kaha lombenu mangana kuzunga chenu kanda chikapwa lwola lwa chishikako mokomoko ha Sambata.” Mwomwo, mu

lwola lwa chishika, jize—jize jipili najikazala na mbundu; kaha ha likumbi lya Sambata, lipito—lipito lyeji kupwanga lyakusoka, chikolo, kaha vakiko navakamikwachile muli ize seteko. Talenu? Etu twatondo kupwa naechi washi washi ha . . . omu Kalunga eji kulinga vize vyuma kana, kachi Mwata netavila.

⁵⁰ Talisenu jino, Ikiye . . . Vakiko valombe nge chipwenga mu . . . keshi muli ize jilako, Yesu avalwekele vakiko kulomba hali chize, kaha vakiko kavavakwachilile numba umweko muze. Vakiko vayile mwomwo vakiko vatalile ha chinjikizo, kaha vakiko vachinyine; mukiko kaha vakiko valingile.

⁵¹ Mamalelo, omu mauka lelo atela kumona chinjikizo cha lwola luze etu tuli nakuyoyelamo! China omu nauhashila ku Kavali, na Kuyoya; keshi kuliukako, oloze kuli Yesu Kulishitu. Linunge ove lyavene na Ikiye, kaha keshi na mazavu amweko mokomoko kutangisa cha vilinga vya mauka. Linunge na Kulishitu, kaha pwako wakukunyuka nge ali Ikiye. Ove kaweshi kaha kumbata kala chumako, ove watela kupwa wakukunyuka nge uli muli Ikiye. Lwola kana lwakulinunga!

⁵² Jino, etu tunawane nge vakiko vakanyine Meshiya na jino valinungile vavene hamwe kaha vatungile lizavu lya vathu, nakutunga—na . . . kulikasa chimwe mukachi kavo nge kachi kala muthu mwamutambula Yesu kupwa Kapolofweto, nge vakiko navaya nakumuhanga kumufumisa muliuka. Enu anukenu uze kanyike wakapuputa valwile kumeso aupuputa? Kaha vaze tumbaji vambile ngwavo, “Hiya avulumwine? Ikiye, mokomoko ise, nyi naye?”

⁵³ Kaha Yesu ambile ngwenyi, “Muli ou ukalu, naumwe pimbi; oloze mangana milimo ya Kalunga yizachiwe, yisoloke.”

⁵⁴ Kaha enu anukenu, vakiko vambile ngwavo ise chipwe naye kahashile kuhanjikako. Vakiko vambile ngwavo, “Vakiko vatachikijile nge mwanetu, oloze etu tunahono kutachikiza omu nahinduka.” Mwomwo Vayuleya vambile ngwavo kala muthu mwetavila Ikiye kupwa Kapolofweto, ngwavo navamutapula.

⁵⁵ Oloze, mwamono, milimo ya Kalunga yapwile mangana uze kanyike walunga kapwile wakuli lize lizavuko. Kaha ikiye ambile ngwenyi, “Jino, echi chinapu chuma changejeji kuli yami ove nahono kutachikiza okwo uze Muthu oku afuma, oloze Ikiye nanguhane meso ami.” Talenu? Jino, ikiye ahashile kuchihanjika. Talenu ize yapwile milomo ya Kalunga. Ikiye vanamuhindula, napu kanawa, kaha ikiye ahashile—ikiye ahashile kuchambulula mwomwo kapwile wakukashila kuchuma chimweko. Ikiye apwile umwe uze milimo yazachiwile, kaha ikiye punduvene amwene . . . ha lwola lwatete muchiyoyelo chenyi.

⁵⁶ Jino, va Yuleya valinungile vavene nakufumbukila Yesu na—na kufumbukila Umeshiya Wenyi, na Mujimbu wa Umeshiya Wenyi. Etu twamono chuma chochimwe jino kusoloka,

mwomumwe. Communism ili nakulinunga mangana venyeke liuka, kaha jila kaha echi nachipwa...shina hanyima ya liuka kulinunga livene nawa, muze mu Kasulu ya Mauka, Kasulu ya Mauka a Mukaye, mangana kukana nakwenyeka Mujimbu, na eli Lizu! Vakiko vanakane eli Lizu, mauka analingi ngachize! Vakiko kaveshi kwitavila Echiko mwomwo Echi chili chakufumbukila jishimbi ja vikungulwilo; chipwe chipwenga ngachilihi Jipanda ja mulangi Wakakahya jingahi najisukama nu—mukachi kavathu, mokomoko vathu vangahi...vyuma vingahi navambulula na kusoloka, kaha vinjikizo vyavinene vize Ikiye ashikile kulikumbi lyamakumishilo; vakiko kaveshi kuhasa kuchilingako.

⁵⁷ Shikakangaho, vakiko vali nakulinunga vavene jino, kaha kafunga kove hano kaha vavavulu navakulweka ove, nge chize chinapu kutanga, nge vakiko vali...vali na kulinga chamauka a—a—a mukaye. Kaha va...uze mukakuzata wamu Lutaleni hali chize. Chize, kachi kaupwa ukalu, nauya nakusoloka kuli vakakulihata navo; kachi etu katweshi vakuhona kulinunga na chize kulinunga chamauka, kahajino liuka lyetu kalyeshi kuhasa kupwa liukako, kaha vakiko vanahase kulizachisa kupwa kapete kakutulikila. Mokomoko kachi umwe wavandumbwetu vamaunga navamona muthuumwe ali nakufwa mokomoko vanamukolesa, kaha mweseka kumuzachila ikiye kala kukisula cha Kushipilitu, etu navatuchimbuka; mukiko vene. Etu vanahase kutuhaka myaka teni mukamenga kakanene hakuzata chimwe, mwomwo etu hakuhona kupwa membala wa echi kulikas hamwe cha mauka. Enu kamwamwene elu lusona lwa chisumako? Talenu? Talenu?

⁵⁸ Jino, etu twamono elu lwola lwakulinunga kwiza. Talenu? Jino, tala! Kaha jino liuka linalinungu livene nakufumbukila Mujimbu; kaha jino omwo nalilinga ngachize, mafuchi ali nakulinunga avene mu Communism nakwenyeka liuka cheka; kupwa kaha vene omu lyalingile muchihela chatete. Talenu? Echi chineza cheka nawa vene.

⁵⁹ Isalele vakanyine ou Mujimbu chatete. Kaha omwo vakiko vakanyine ou Mujimbu, kahajino maswalale, kuyoya cha lifuchi chalinungile chivene hamwe (namafuchi akwavo), kaha kwiza nakwingila na kwenyeka liuka. Kaha lelo, vakiko vanakane ou Mujimbu wa Mwata Yesu, kaha vakiko Vanaukane chikupu. Kaha jino, lwola luneza kuheta naha Communism kulinunga nakaye hamwe kufupukila liuka. Talenu, echi chatela kupwa mujila kana. Jino, echi chinapu chachikalulu kuhanjika ngachize.

⁶⁰ Chapwile chachikalulu kuli vakiko va Yuleya kufwelela. Vakiko vambile ngwavo, “Jino twaya, vandumbwami, etu twamona ngachize—ngachize wetu—wetu Kalunga ali na etu, kaha shikaho etu natuya—natuya nakwingila mu tembele. Kaha jino etu natuya nakulomba, kaha echa tata wakujila *Munganji mukananga* kaha tata wakujila *Munganji mukananga*

atwaminyine mukulomba. Kusoka chikola!” Kaha Titus emanyine, na kwimana kanawa pamo mumwaka mokomoko kuhakilaho. Talenu, hazevene hamukakutala, kaha avafwishile zala. Kakwapwile numba umwe ahashile numba kulovokako muze mumbongi; kaha vakiko vafwile, nazala. Kaha omwo ikiye ayile nakwingila muze kupuzula jimbango, manyinga kuhita na kupwelumuka nge kalwiji kuze vavajihilile vyuma vyosena vyapwilenga muze.

⁶¹ Jino, Kangelo ka Mwata apolofwetele chize, kuyima mu Tesitamende Yamwaka, kaha avalwekele nge chize nachikaya nakusoloka. Kaha vakakuzata, vaze vapwilenga vakakunangula, vaze vatelele kwimana hali chize na kulweka vathu nge, kachi valingile, omwo Yesu emanyine mukachi kavo, vakiko kavamwijiwile Ikiyeko; kaha kweseka kulinga nge—nge... chuma chimwe nge—nge chuma chakuvezuka, “Kulinga nge mungalato, echa etu tumone omu—omu vali nakuchilinga! Tulwekese chinjikizo.” Talenu?

Kaha Ikiye ambile ngwenyi, “Ngwa...” Mwomwoika, Ikiye nalingi vyuma vyavivulu, kaha vakiko kavahashile kumonako. Talenu? Kaha jino omwo vakiko Vamukanyine nge wavo... Mujimbu walize likumbi, vakiko vakanyine Mujimbu walize likumbi.

⁶² Vakiko vahonene kumona chinjikizo cha lize likumbi. Kaha chize chinjikizo cha—cha upolofweto wa Mbimbiliya vaulingile kumeso avakiko, kaha vakiko ambile ngwenyi, “Echa twingile jino!” Vakiko vapwilenga vathu vakujila. Vakiko vapwilenga vathu vaze enu kamweshi kuhaka chipwe munwe ha chiyoyelo chavo. Vakiko kavahashile kupwa *muzeke*, kaha jino—kaha jino kupwa nge—nge—nge kapilishitu. Kapilishitu navaya nakumujiha, ikiye mwaya nakupwa wakwasa malolwa palanga nakukufwa ha kala chuma chachindende. Shikaho ikiye atelele kuyoya utoma, chiyoyelo chakujila. Ikiye kahashile kulingako, mwomwo ikiye apwilenga vamwashile malolwa ha kala chuma. Kaha jino vakiko vapwile malunga vaundume, kaha vathu vakujila kumeso avathu, oloze vakiko vengile kaha vambile ngwavo, “Jino, etu natuya... Etu tukwechi Kalunga, Kalunga Uze napunga hamwe naetu kuhichila mu visemunuino. Etu natuya mu tembele Yenji yajila.” Ize yapwilenga tembele yajile ya Kalunga! Oloze, mwamono, Ikiye apwilenga mwishi ya ize tembele Yenji yajila. Talenu? “Etu natuya nakwingila muzuvo ya Mwata. Jino enu vosena va Hepelewu kutachikiza nge etu twapwa muyachi wakusakula, mukiko twapwa, hano. Kaha Kalunga napu Kalunga ketu; Kalunga ka Apalahama, Isaka, na Yakova. Ikiye ali naetu. Ikiye mwaya nakusokola etu kufuma muli vakiko vaze vakakuzeneka kwalama va Fwilishite (nge omu chapwile), vaze Valoma na va Greeks. Ikiye mwaya nakusokola etu kufuma muli chize. Echa tuyenu muzuvo ya Mwata!”

63 Echi chili nakwivwakana kanawa; oloze chuma vakiko valingile? Uze Mukakutunga ize zuvo apwilenga muze, muchifwanyisa cha mukakusonga wamwishi waku Ngalileya, kaha vakiko Vamukanyine; omwo Kalunga amwinjikijile Ikiye kupwa Muluwa Wenyi wa ize ola, kaha Mutango. Kaha vakiko Vamukanyine. Shikaho vosena kulomba, vosena kupwa vakushishika, milambu yavo yosena kayahashile kupwa chumako kuli Kalunga. Vakiko valingile mwosena! Kaha Kalunga echa echi kulinunga chachinene kwenyeka echi.

64 Kaha etu twamono lelo, nge omu mauka kuhichila mu vikungulwilo na vyangocho, kukana Lizu lya Kalunga. Vakiko kavazangile kumilweka hali echi chuma kana, kaha sayasi yinahase kwinjikiza echi na vifwanyisa na vyuma vyosena nawa, kaha hanga vakiko kaveshi nachuma chalinga na Echiko. Shikaho communism ili nakulitunga nakwenyeka echi, chochimwe nge muze alingile Titus, kaha Mbimbiliya yamba ngwavo vakiko navakaya nakulinga echi. Mukiko kaha!

65 Jino, enu mwamono oho tulinakuyoyela? Lwola lwa kulinunga, omwo etu natumona vyuma kana kulinunga. Mamalelo, mwomwoika etu twahono kumona vyuma kana? Enu munahse—enu munahase kutala muno mu Chisoneka kaha haze Ikiye ashikile ngachize, chuma muka Ikiye mwaya makulinga. Jino, etu twachimono kwiza nakuhita. Etu twamono muliuka chuma muka Ikiye ashikile kulinga; etu twamono echi kwiza nakuhita. Etu twamono mafuchi kulinunga hamwe. Etu twamono ji isms kulinunga hamwe. Etu twamono mauka kulinunga hamwe. Lunapu lwola lwakulinunga. Lunapu ola ya kulinunga. Eyi yinapu shipilitu ya chisemunuino, “Etu twatela kulinunga.” Vyuma vyosena vize namuhanjikaho vyatela kupwa vyakulivwasana; numbathuhu fulumende kaveshi kuhasa kuchitavilako.

66 Munatachikiza, kupwa mwenyembo. . . Kangweshi kuhasa nge mwenyembo wa United States, oloze Ngwa—Ngwa. . . enu namuya nakunguhana checki ya faifi ndola kaha Nanguya nakuhaka lijina lyami hayikiko. Huum. Talenu, Kangweshi kuhasa kuchilingako. Talenu, lunapu lwola lwakulinunga. Chosena chatela kuhita mukulinunga chimwe, kaha kulinunga chikiko chuma chivene nachineha lusona lwa chisuma. Talenu? Lunapu lwola lwakulinunga, kaha chili nakuzata helu ya echi. Enu munahase kumona echi na meso enu hatoma to, kachi enu munachitondo. Lunapu lwola lwakulinunga, kuze kuli vyosena vili nakulinunga hamwe.

67 Va Yuleya—Yuleya valinungile vavene nakufumbukila Yesu, nge wavo—wavo Meshiya. Shikangaho, etu twamwene omwo nachisoloka. Etu twamono chuma chimwe jino, communism kulinunga nakwenyeka liuka, hanyima ya liuka linalinungu na Kasulu ya Mauka a Kaye na kweseka kwenyeka ou Mujimbu, eli Lizu lya Kalunga. Vakiko kweseka Kuchifumisako.

Chuma chivene vakiko vahashile kulinga shina kulitungila vavene kasulu, mwomwo vakiko vali vakuhandunuka; kalizavu kakandende hano, va Mesondisiti, kaha Mbaputishiti, na Luteleni, na Pulishiteliyani, Church of Christ, na vyangocho nge ngachize. Vakiko kaveshi kuhasa kulinga chumako, mwomwo *ou* umwe mwafumbukila *ou* umwe, *ou* umwe kufumbukila *mukwavo* weka, kunangula chavo chili kaha chakulihandununa chikuma nge omu chili mututuko na mulauko. Talenu, vakiko kaveshi kuhasa kuchizeko. Oloze nge vali hamwe, mwishi ya mutwe umwe waunene, vakiko navapwa nacho. Vakiko navapwa nacho vene.

⁶⁸ Ou ukiko mulonga va Katolika vali ngachize mukulinunga, va Katolika yamu Loma, mukiko vene valimukulinunga, vakiko vali...muchivulu vapwa vamu Katolika ya mu Loma; va Ngiliki na va Kakatolika veka vapwa—vapwa keshi chikuma Katolika ya mu Lomako. Jino vakiko kulinunga hamwe, kaha ou ukiko mulonga vemanyina hamwe. Numbathuhu nachisoloka ngachilihi, nge popu napu mutwe havyuma vyosena. Talenu? Kaha chipwe chipwenga ngachilihi muthu kala mwahanjika ika, “Ikiye napu wakukuminamo; ikiye ali—ikiye ali—ikiye ali muchihela cha Kalunga, mukiko kaha; ikiye nalihate na Kalunga; ikiye ali nangolo ha hetese, Melu, na ngolo jakukonekela.” Talenu? Shikaho kakweshi *chumako* chinahse kulingikako muli ou mulonga; kala chuma mwahanjika, mukiko chatela kuya.

⁶⁹ Jino, va Kakulikanga vanalilingisa vavene kupwa mutwe nge ngachize, mwomumwe. Kaha kumana Mbimbiliya kayahanjika nge kuli chifwanyisa vanamutungila chisuma ko? Chifwanyisa muka? Echi chili chuma chimwe nge echi, vatungile nge ngachize. Mukiko chapwile, chuma chochimwe. Chuma muka echi? Ha kulinunga vavene hamwe, kaha ou napu shipilitu wachino chisemunuino, *kulinunga*.

⁷⁰ Kulinunga hamwe jino, kweseka kwenyeka ou Mujimbu. Mujila yimwe ili Navawenyeka? Navawenyeka ngachilihi eli Lizu lya Kalunga? Vakiko vanahase Kuchilinga chakuzeneka numba ukalu, chakuzeneka ukalu, ha kumbata visemwa nge omu valingile kunyima kuze mu kuputuka, kaha kulingisa eli Lizu lya Kalunga kuzeneka ngolo. Talenu, vakiko vahanjikile ngwavo, “Mamalelo, echi chili...Mukiko vene, hanyima ya vyosena,...” Mwamono kuze kwapwile uze pwevo wakuzeneka kushishika uze apwilenga nakwseka ku...ikiye... Ngwavulyama lijina lyenyi jino; kachi Ngunahase kwanuka. Ikiye...Ngulinakweseka kushinganyeka vavavulu.

⁷¹ Ngwashinganyeka ou Pwevo lya. Lifuchi likumbi likwavo; Ngwafwelela kachi etu twapwile naumwe weka nge uze kukatuka. Ikiye apwilenga umwe uze ayile mujizuvo ja wala na kupenda na wala, kaha nakumbila vinjikizo na vyuma vyosena nge ngachize. Mwomwoika vamwe mapwevo navakatuka lelo

nge ngachize, na kuya nakulovoka na kupula vifwanyisa vimwe vya ava mapwevo vauselesele wa muyachi uvene, kaha vyuma nge ngachize? Chize, vakiko kaveshi na mwekako.

⁷² Jino, oloze ou pwevo, wakuzeneka kushishika, uze ambile ngachize—ngachize “eyi Mbimbiliya yakuzeneka chilongeselo, kuyitanga mumashikola amuchivulu,” na vyuma nge ngachize.

⁷³ Jino vakiko nawa, enu namutalisa cheka, vakiko vali nakweseka kuhanjika jino, kaha maswalale vavanene vamu Chisoneka, ambile ngwenyi, “maupolofweto amavulu aze vapolofwetele mu Mbimbiliya apwilenga vene akuhenga, kaha amwe kawahichileko.” Kaha enu mwevwa lyehi na kutanga echi. Kaha vakiko kweseka kuhanjika vyuma vyosena; mwamono, vakiko valinakweseka kwenyeka ngolo ja lize Lizu. Kachi vakiko vanahse kaha kwenyeka na kushishisamo hali Echi mokomoko chumachimwe vathu vali nacho, chinasoloka mumeso avo kupwa kanawa kuhambakana eli Lizu, kahajino vakiko kwenyeka Echi na vyavo—vyavo visemwa. Kaha omu mukiko vakiko kwesekanga kwenyeka eli Lizu lya Kalunga, lili ha milingu ya vikungulwilo.

⁷⁴ Jino, liuka lyosena likwechi milingu yacho. Eyi Church of Christ likwechi, Christian church likwechi, kaha va Mbaputishiti, na Mesondisiti, na Pulishiteliyani; vakiko vosena vakwechi milingu yakuhandunuka handunuka. Jino, vakiko vali nakufuma kuli echi mwomwo vakiko vali vakuhandunuka. Talenu, kachi kavahashile kuchilingako shimbu kanda, vakiko vatela kulinga ngachize jino. Talenu, luno lunapu lwola lwakulinunga, kaha jino vakiko vosena kuhaka hamwe na kuchikoka na kumona vanalovoka naka. Yami, echi chili kuteleka mukate kufumisa kunyama ya kavalu, na kavichi yakufuma mumungomo, na kala chuma navahaka hamwe; na kuvivungila hamwe, na kumbilamo jitamba akupola navyuma hamwe, na kutala chuma muka navifumamo. Pundu vene kangweshi nakutonda kalachuma ko. Nduma, mwane! Omu mukiko mujila vakiko vali nakulingilamo. Talenu, vakiko kuhanjika kuli vathu vaze vafwelela nge Yesu apwilenga chishimo kaha, liuka lyafwelela nge Yesu apwilenga chishimo kaha; chikwavo, vamwe kufwelela Ikiye apwilenga kapolofweto.

⁷⁵ Umwe kuhanjika, “Makumbi avikomwesa ahita lyehi.”

⁷⁶ Mukwavo weka ambile ngwenyi, “Nakukaya nakupwa vyamuyachi ngachize.”

⁷⁷ Kaha vyosena hamwe; na Mbimbiliya yahanjika, “Vavali navatambuka hamwe ngachilihi kuvangila vanalivwasana?” Talenu? Jino, chize chikiko kulinunga vakiko vanatondo. Kaha kupwa na tata wakujila wamunene kupwa helu, kaha haze kupwa na chifwanyisa cha chisuma, kupwa kaha vene nge omu yinahanjika Mbimbiliya. Jino vakiko vakwechi mukakuzata ka Lutaleni, mutwe wa echi. Chamwaza, etu twamono

Iwola Iwakulinunga. Chuma chochimwe jino, Communism na kulinunga hamwe chosena; mu kaye, na muliuka na vyangocho, kulinunga hamwe.

⁷⁸ Talenu ha tengeso. Mamaah, yami! Tengeso, kachi enu namuya na kutala ha tengeso, yeji kulinga chuma chochimwe. Tengeso yapwa chitalilo chakakweji cha Kalunga cha vinjikizo. Mwatachikiza ngachize? Yesu avalwekele kutala ha tengeso. Kalungalwiji nahase kukumbwoka, talenu, kaha kakweshi kukapwa chuma chakuhandunukako, na mindenda kuvihela kweka nakweka, kulipika cha lifuchi, vinjikizo mumelu, vinjikizo ha mavu, kwosena nakuya nakupwa vinjikizo vya kwiza cha lwola.

⁷⁹ Tala mavwe. Shimbu kanda mavwe anehe mikalateta yavula, munatachikiza chinalingika lyehi? Mavwe eka amandende kwiza hamwe, nakupwa livwe limwe lyalinene. Chamwaza, lizavu limwe lya peho kuhuhwa, yize yimwe kalizavu kakandende ka peho kuhuhwa, kaha akiko osena kuhuhwa hamwe, kaha jino vakiko navapwa na nyamanganda. Talenu? Vakiko kulinunga shimbu kanda vapwenga na nyamanganda; akiko atela kupwa.

⁸⁰ Tala vapato na tulukuluku kulinunga vavene hamwe shimbu kanda vakiko vaseze lifuchi lyavo. Talenu? Vakiko kulinunga hamwe. Enu munahase kuvamona kutuka kufuma muze muchijiva nakuya muchijiva, kufuma muno nakuya mukwavo, vosena kwiza nakupwa hamwe. Vakiko kulinunga, kulizanga na kutuka. Talenu, echi chili kaha...chize chikiko chisemwa, kaha Kalunga atengele chisemwa, kaha chisemwa kuzata kuhichila mupunga ya Kalunga. Echi chinapu jishimbi, jishimbi jakuzeneka kusoneka ja Kalunga, nge chisemwa kuzata kutesekesa na lushimbi Lwenyi.

⁸¹ Kupwa nge, kuhanjika ha kutangisa cha chililo, kweji kupwanga musoji weji kushikumukanga muze mulifuka, mukachi kauze mwiji wamutondo, kupwa muze palanga lwola lwa kusanguka munonga. Elu lunapu lushimbi lwa Kalunga. Kakweshi mangana anahase kutunga uze musoji kushikumuka mwishi; enu kamweshi kuhasa kuukokamoko, enu kamweshi kuwamwako. Kakweshi numba jila yimwe yakulingilako mwamwazako kuhambakana omu eji kulinganga Kalunga. Kalunga akwechi jila yakukupuka. Shikaho omwo aze mafwo nawaholoka, jino Ikiye mwatuma uze musoji kwishi mulifuka nakuswama. Nge Yopa ahanjikile ngwenyi, "Ngusweke mulifuka palanga utenu Wove unahichi." Talenu? Weji kuya nakushikumuka mwomwo lunapu lushimbi lwa tengeso, shimbu kanda chishika. Tala ha mafwo jino kuputuka kuholoka. Mwomwo ika? Lunapu lushimbi lwa tengeso.

⁸² Vapato navaya nakupwa hamwe, umwe vosena, nakujingilika twamina. Muze vakiko navaya nakutachikiza kumwe, Ngunahono kutachikiza omu veji kulinganga, oloze

vakiko vatachikijile nge kukoka chimwe chachindende chili muli twamina. Kaha uze mukweze wamundende, vakiko vosena kupwa hamwe na kujingilika ikiye, na kukatuka helu mupeho. Kaha ikiye mwaya . . .kanda lyehi afume muze muchijiva, oloze ikiye mwaya kaha nakusungama ku Louisiana mokomoko Texas nge omu nahashila kuya, kumande alosa. Talenu, shimbu kanda vakiko vakatuke, kuseza limbo lyavo muze vasemukilile uze mwaka, vakiko navalinunga hamwe. Amena! Enu haze; kujingilika twamina yavo.

⁸³ Ukalu uliho, na muthu, ikiye katachikiza twamina yenyiko. Eyo, mwane. Vakiko navaya nakujingilika chikungulwilo, vakiko navaya nakujingilika mbishopu mokomoko muthu, oloze vakiko kaveshi kujingilika Twaminako, ou Shipilitu Wajila muli eli Lizu. Talenu? Vakiko kahanjika, “Mamalelo, chamwaza, Ngunalizakamina Nanguya nakupwa nge wakuzaluka; Ngunalizakamina Nanguya nakufuma mujila.” Mamaaa, yenu vaze jino! Ngachilili kachi umwe wamundende mwamba ngwenyi, “Kangwazanga mujila ikiye alama mangona eyiko. Kangwafwelela nge Ngumukavangizeko.” Ove muya nakuma nakukufwa. Ove navaya nakukukwachilamo muze, kachi ove kaweshi kuya na—na kutuka nakuyako. Veji kulinunga hamwe vavene, kaha tengeso yeji kulinga ngachize.

⁸⁴ Tulukuluku veji kulinunga vavene hamwe, kulijingilika vavene kuli twamina yavo; vakiko veji kulinga chuma chochimwe.

⁸⁵ Enu mwamona lyehi vapuka kutuka? Vapuka veji kulinunga vavene hamwe, shimbu kanda vakiko vatuke, haze vene hali mwangana wavo wapwevo. Echi chakwoloka. Kaha kwosena mwaya, kukiko navaya vosena. Eyo! Chuma muka veji kulinganga? Vakiko veji kulinunga shimbu kanda kutuka. Mukiko vene; kala tengeso!

⁸⁶ Vaishi kulinunga vavene hamwe shimbu kanda muhiluko. Kupwa muze mukalungalwiji, enu munahase kuvana vakiko; vaze vavanene. . .vaze tweji kuvulukanga “vapungu,” va mikunga. Omwo vakiko vejile kuze, shimbu kanda vakiko vezenga nakwingila, enu namuya nakuvamona ha mazavu ateni sauzande, kulovoka muze mukalungalwiji, kwiza nakujinguluka na kujinguluka; mumeya amungwa, oloze akiko ali meya atuta avaishi. Kaha hano vakiko kwiza muli aze meya atuta, kuya mungonde yakwaka. Vakiko veji kukanduka na kwaka, pamo mu myaka yiwana, kaha kufwa kufuma haze vene vakumisa kwaka. Kaha vakiko vanatachikiza nge valinakuya nakufwa, kaha kamweshi kuhasa kuvemika nachuma chimweko. Vakiko navaya nakutumbuka jindalo na vyuma vyosena nawa, kukanduka, kutachikiza vakiko valinakuya kukufwa chavo. Oloze lushimbi lwa tengeso lweji kuvalingisa, kutachikiza nge vakiko veji kuya kuze na kwaka muze muwina, na kufwa. Kaha vaze vavandende kwiza, kaha chumachimwe kuvanunga hamwe jino, kaha

kulovoka muze mukalungalwiji navaya. Lwola lwakulinunga! Lunapu lushimbi. Enu kamweshi kuhasa kuhonowesa lushimbi lwa Kalunga.

⁸⁷ Mafuchi ali—ali nakuhokoka, mwomwo lwola jino luze etu tuli nakumona luze—luze vakiko vatelanga kulinga chize. Etu tuli mu jila kuhonowesa cha lifuchi. Etu twamono mafuchi kuhokola usoko. Mwaka ha mwaka, etu tunawne *eli* lifuchi kupwa lya kumina kuli communism; *ou* umwe kupwa wakuminyiwa mu communism. Kaha hano vene mulifuchi lyetu, chili muusendo na communism, kaha nachiya nakuyula! Talenu, nachiya nakulingika, jila yeka yauchi yakwimika chize. Mwomwoika? Mulonga woumwe uze mwahonene kwimika Titus. Vathu vakanyine Kalunga na Lizu Lyenyi. Eyo, mwane, shikaho vakiko navaya nakuchilinga, kaha etu kuchimona muzevene mujila.

⁸⁸ Ngwa, kakavulu, Ngweji kumbatanga jiola; Nguli lyehi pamo na minyutu seti, hanovene. Talenu? Oloze kumbata vyosena evi, Nguli kaha nakushika. Enu katangenu echi omwo namuya kwimbo.

⁸⁹ Talisenu, vakiko vali vene mukulinunga. Enu ngwenu, “Ndumbu walunga Branham, ou unapu muchano?” Vakiko vali nakwiza nakupwa Kujita ya Amangetone; mukiko vene navakalinga. Talenu? Kaha vakiko kulinunga hazevene jino. Shikangaho etu tukwechi U.N. na vyuma vyosena etu tukwechi. Va Western World kulinunga nakufumbukila Eastern World, communism na vyangocho, chinapu vyosena kulinunga hamwe. Mauka ali nakulinunga hamwe. Vyuma vyosena kusoloka kupwa na kulinunga. Kulinunga, kulinunga vavene hamwe, etu twamono.

⁹⁰ Nawa, shimbu vyosena vili nakulinunga cha mafuchi, evi vinjikizo, vinjikizo vya mafuchi, etu twamono hano mukaye, mindende kuvihela kweka nakweka, kulinunga chakuhandunuka; kuneha kaye hamwe, kuneha vathu hamwe, mauka osena hamwe, vyuma vyosena hamwe. Kaha shimbu vyosena vili nakulinunga nakuya lika, kuli kulinunga cheka chili nakuya. Amena! Chikiko Ngwatondo kwinyika kuli enu jino.

⁹¹ Kalunga ali nakulinunga na Mwenga Wenyi. Ikiye ali nakulinunga hamwe, kufuma Kumututuko na kutwala Kumulauko, kaha Kuto na Kusango. Kuli lwola lwa kulinunga, kaha chili vene jino. Ika Ikiye alinakulinungila? Chize Kuhukula. Amena! Kalunga kumulingisa Ikiye kupwa wakulizanga. Eyo mwane, kulinunga! Chuma muka Ikiye ali nakulinunga nacho? Na eli Lizu! “Mwomwo melu na mavu nawakaya nakuhita, oloze Lizu Lyami kalyeshi kukaya nakuhitako.” Ikiye kulinunga Lyavene na MUKIKO MWANAMBE MWATA chipwethuhu kala chikungulwilo

mokomoko kalamuthu weka wahanjika ika. Ikiye ali nakulinunga Lyavene. Ikiye ali nakupwa wakulizanga. Mwomwoika? Ikiye napu Mwenga. Mukiko kaha. Kaha Ikiye ali nakulinunga Lyavene na Samwenga Wenyi, kutala, kaha Samwenga napu eli Lizu. “Kukuputuka kwapwilenga Lizu, kaha Lizu lyapwilenga na Kalunga hamwe, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.”

⁹² Kaha Liuka na Mwenga na Lizu vali nakwiza nakupwa umwe, palanga eli Lizu Livene kuzata milimo ya Samwenga. Amena! Mwamono? Kulinunga! Keshi chekako, “Kwingila muliuka”; keshi cheka *omu*, oloze kuchina kufuma muvyuma vyosena na kukashiwila kuli Yesu Kulishitu. Talenu? Lunapu lwola lwa kulinunga. Kalunga, kulinunga na Mwenga Wenyi hamwe, kuneha Echi kukinduluka; mukiko vene. Kulinunga na Mazu Eyi alushiko.

⁹³ Tesolonyika Wamuchivali, kapetulu 2; Yahanjika ngwayo, ha kapetulu 5 ngwayo, “Vaze vakakujila vanasavala tulo mulukungu lwa mavu navakatona. Kaha jino etu natukaya nakulinunga navakiko (vaze vakakuyoya, na vaze vanafu), navakaya nakulinunga shimbu kanda etu tukatuke Kuze,” mwomwo Mwenga mwakaya nakupwa wakukupuka omwo Ikiye mwakaya Kuze. Vaze vali nakuyoya, vaze vali nakulinunga vavene na Lizu, kaha vaze vananyi lyehi valingile ngachize; kaha Navakaya nakupwa hamwe, kupwa nakulinunga chachinene chakulinunga shimbu kanda kukanduka Kuze. Amena!

⁹⁴ Commmunism yatela kukatuka, evi vyuma vyeka vyetela kukatuka, kaha liuka lyatela kulinunga livene kuze, omwo vaze. . . kaha mafuchi kuze ku Kasulu ya Mauka a Kaye; kaha Mwenga atela kulinunga Lyavene mwishi ya Lizu lya Kalunga. Hakupwa chilingike, Kalunga atela kutuma chinjikizo cha Mwilu na vyuma, chize chinenjikiza ku Liuka, nge Ikiye atela kulinga kulifuchi. Amena.

⁹⁵ Kalunga; lwola lwakulinunga! Eyo, mwane. Mamalelo, yami! Jino, enu anukenu, jino, kuli kulinunga cha eli Lizu (kulinunga cheka), kuneha na kukindulwisa “Lufwelelo luze vahanyine kamwe kaha kuli vakakujila.” Kulukindulwisa! Echi navahasa kuchilinga muli lino likumbi. Lwola kaha lunahase kulingika chili hano vene. Echi kavachitulukile numba kumweko; vakiko vayile na peho ya vikungulwilo. Oloze jino, kayapwile yakukala peho ya chikungulwiloko, mwomwo lunapu lwola lwakulinunga lwa malunga na mapwevo va miyachi yosena, ulombo wosena, jishimbi jauthu, vyuma vyosena kupwa mwishi ya Kulishitu ha Lujimiko lwa Shipilitu Wajila na kukinduluka ku Lizu.

⁹⁶ Lwola lwakulinunga ha Liuka! Mamaah, yami! Kulinunga nakala Lizu lize vanamwange kwosena na evi vikungulwilo:

kufuma vene ku Nicaea, Loma, omwo vakiko valivwasanyine ha liuka lya tete, kaha vakiko vanalivwasana hali Luther, vakiko kulivwasana hali Weseley, vakiko kulivwasana ha mauka osena. Kaha hakulinga ngachize, vakiko vakiko vetavile jishimbi jauthu, kaha jino omwo Kalunga atumine chumachimwe nawa, vakiko kavahashile kwitavila Chizeko. Shikaho, kachapwile chachashiko palanga noholili. Kaha Kalunga ashikile, mumakumbi akukuminyina, nge “Lufwelelo lwa masevo navakaya nakulutungulula cheka kuli Mwenga cheka,” nge nachiya nakupwa mujila kana eyi, kaha nachiya nakupwa kulwola lukwavo oloze luno lukiko lwola. Tala chinjikizo chakufuma Mwilu, nge Panda ya mulangi wa Kakahya kusukama mukachiketu, kaha na vinjikizo na vikomwesa vya Mwata Yesu Kulishitu. Kaha shimbu Ikiye mwahanjika kuli etu, Kachahonako kupwa vene haseteko. Amena! Kahajino etu twamono oho etu tunemanyina. Lwola lwakulinunga!

⁹⁷ Etu twamono mafuchi kulinunga, etu twamono kaye kulinunga, etu twamono communism kulinunga, etu twamono mauka kulinunga; kaha etu twamono Kalunga kulinunga Lyavene na Mwenga Wenyi, palanga Ikiye na Liuka kupwa chuma chimwe. Halleluya! Nge kaposhi kuze. Chakwoloka! Kulinunga vavene hamwe; Kalunga kulinunga! Mwomwoika? Kanda lyehi, kufuma haze haputukile chisemunuino cha liuka, kwapwile Panda ya mulangi wa Kakahya kupwa hakachi ka vathu. Kanda lyehi, kufuma kukuputuka cha chisemunuino cha liuka, vakiko valingile chize chuma kana etu tuli nakumona lelo. Kaha echi vachilingishile kupwa chachashi omwo Kalunga atumine tuze Tutachikijilo Tutanu natuvali na kutuhana etu chinjikizo hali Chize, kaha kutuma vaze Vangelo vatanu navavali kulovoka Mwilu; kaha kwiza nakuneha cheka nakumwanga Lizu muli aze vikungulwilo, kaha kukashila muli Lizu lya Kalunga cheka, nakuneha Shipilitu Yenyi Wajila.

⁹⁸ Yesu ambile ngwenyi, “Kachi enu namutwamanga muli Yami na Lizu Lyami muli enu, kahajino kalombenu kala chuma namusaka, navakaya nakumilingilacho.” Kulinunga na Mwenga cheka na eli Lizu, linapu Kalunga. Eli liuka na eli Lizu, keshi Liuka na jishimbi, Liuka na eli Lizu; Mwenga na Lizu kulinunga hamwe. Mamaah, yami! Chuma muka. . . Kindulwisa cheka chuma muka? Lufwelelo lwatete lwaku masetu wa chipendekosita, talenu, lize vamwangile kuli lizavu lya Luther. Keshi Luther lyaveneko; keshi Luther, keshi Wesley, keshi vaze vavanene vakaputuko. Oloze hanyima ya kuya nakufumako, kuze kwapwilenga liuka lyakatukile, kaha vakiko. . . chuma muka vakiko valingile na chize jino, vakiko vatungile chikungulwilo kufuma muli chize. Vakiko kwitavila jishimbi jauthu, kaha kufumako nakuya. Kaha tala hali vakiko lelo, jino vakiko vaneza nakwingila mu Kasulu ya Mauka a Mukaye.

⁹⁹ Jino, mwamono, oloze mumakumbi akumakumishilo, mwamono, etu twamono vyuma kusoloka jino nge kanda lyehi chisoloke. Talenu, echi chinapu chinjikizo cha Kalunga, kaha kulinunga chosena echi chinapu chinjikizo cha lwola. Jino, etu twatondo kutala kanawa na kupwa vene vakukunyuka mangana tutambule echi. Kuseza . . . vakiko kuseza Lizu lya muchano ha vikungulwilo; kwitavila jishimbi jauthu na vishinganyeka vya vathu vakulihandununa handununa keshi kumbata eli Lizu.

¹⁰⁰ Kusoloka 10 nambe ngwenyi, “Ou Mujimbu wa kangelo wa muchitanu naavali.” Jino anuka, echi chakwoloka ha Ndolombita yamu Chitanu nakavali, kaha vaze vangelo vatanu nakavali kwimba Ndolombita Jitanu najivali. Chize chikiko etu tuli nakwizako. Oloze anuka kulihi, chikumanyi Chahanjikile, “Vaze vangelo . . .,” keshi Ndolombita ya kangelo wa chitanu nakavaliko, oloze “Mujimbu wa kangelo wamu chitanu nakavali.” Talenu, keshi Ndolombita ya kangelo, shina Mujimbu wa kangelo! Talenu, kangelo embile ize ndolombita, uze kangelo wamu chitanu nakavali, Ndolombita ya kangelo. Oloze echi chinahanjika, “Mumakumbi a Mujimbu wa kangelo wamu chitanu nakavali,” talenu, omwo Mujimbu wenyi naukakuma. Talenu, uze unapu Mujimbu wa chisemunuino cha liuka. Muli luno lwola, jino ikiye mwaya nakupwa . . . Mujimbu, keshi Ndolombitako, kaha “mangana akuswamana a Kalunga (aze vanasoneka muli eli Lizu) atela kukuma.”

¹⁰¹ Jino tala likumbi muka etu tulinakuyoyelamo! Tala hali tuze Tutachikijilo, omu linamwange eli Lizu lya Kalunga, chuma Luther navosena muli vakiko, nge vakiko vakakutungulula vavanene vaze vayile; kwiza nakukinduluka na kuchisolwesa mu Mbimbiliya, muze vakiko navapwa; muthu wosena hazevene, mwaya nakulinga na chuma muka nachizoloka kuliuka; mwaya nakulinga ika, kaha nachiya nakusoloka ngachilihi kuliuka; vyuma vyosena avisele. Kaha jino, mulikumbi lyamakumishilo, omwo etu twahonene kutachikiza hali echi, kutulweka etu chuma chimwe kusoloka; kaha numba mumapapilo amijimbu na vyuma vavisonেকে, kaha kwiza haze vene nakusolola na kukakasa mangana akusweka hamwe. Amena! Ndumbu walunga, echi chinapu chuma chakujiminyina kuli yami! Chize, kuli yami, kuhaka eli Lizu hamwe. Amena! Kangwalizakaminako chuma muka—chuma muka, mokomoko, Ngwalizakamina chuma muka vathu navahanjika, kushinganyeka, chize chakwoloka, oloze kuli yami unapu Muchano.

¹⁰² Nge malunga vakuzangama, kwiza kufuma mu Mbaviloni, vakiko kutambakana, “Ali Kulihi, nasemuka Mwangana wava Yuleya? Ikiye ali hano hamavu jino. Etu Twamuwananga.” Echi chakwoloka. Kaha Ngwafwelela Ikiye alihakamwihi nakwiza nge omu Nanguhanjika, “Tala, Samwenga ali nakwiza! Ngulinakwivwa kutambakana chaufuku!” Amena! Etu hano

vene ha lwola lwamakumishilo. Mamah, yami, ola tulimo etu nakuyoyelamo. Talisenu. Talenu?

¹⁰³ Likumbi muka! Lwola muka elu etu tuli nakuyoyelamo, awa mangana a Kalunga kupwa akume; kuneha mu Ukalunga, kusolwesa chuma muka Echi; omu etu twatundende tuma isms, kaha vayile na kumulingisa Ikiye *echi*, kaha mutuumwe amulingishile Ikiye *omu*, kaha mutuumwe kumulingisa Ikiye *muze*. Oloze Kangelo ka Mwata kwiza nakuneha vyosena vize vi isms, na kuneha Muchano kufumisa muli chize, kaha Kuuneha. Kaha haze hakiko Chili, kupwa kaha wakukupuka nge omu Chahashile kupwa, jila yeka yauchi yakuya. Haze Hakiko chili, mukiko Ikiye ali. Talenu, mbutu ya linoka, vyosena—vyosena vyuma vyakuhandunuka jize jinapunga vyakuswamana mukachi kavathu. Talenu? Chuma muka echi? Ikiye ali. . . Echi chinapu chinjikizo chaka? Kulinunga!

¹⁰⁴ Chuma muka Ikiye ahanjikanga mu Malaki 4? Mwaya nakutungulula! Kutungulula cheka Lufwelelo lwa chipendekosita lwatete, kukinduluka kuli vathu na Mujimbu woumwe wa chipendekosita, chinjikizo chochimwe cha chipendekosita, chinjikizo chochimwe chachipendekosita, Kalunga youmwe, Ngolo jojimwe, kunangula chochimwe, vyuma vyosena, na kwinjikiza cha Panda ya mulangi Wakakahya youmwe kuveta Saulu hamavu mujila, yakuya ku Ndamashiku ali mukachi ketu lelo, kulinga chuma chochimwe Ikiye alingile muli lize likumbi. Kulinunga!

¹⁰⁵ Etu twamono mafuchi kulinunga, etu twamono kaye kulinunga, etu twamono mauka kulinunga. Etu twamono Mwenga kulinunga, kulinunga na Lizu. Mwomwoika? Eli Lizu linapu Kalunga. Kaha nge omu Lizu. . . Nge Samwenga (kupwa Lizu), kaha Mwenga (kupwa mukakwivwa eli Lizu), Vakiko kwiza hamwe Mukulikata. Vakiko kulinunga nge kulimbata. Talenu, vakiko kupwa vakulizanga ha kulimbata, kaha Vakiko—Vakiko kwiza nakupwa Umwe. Eli Lizu kwiza nakupwa enu, enu kupwa Lizu. Yesu ambile ngwenyi, “Ha likumbi lize enu namukatachikiza echi. Vyosena vya Tata, Vyami; kaha vyosena Vyami, vyenu; kaha mwosena mwapwa, Vyami. Mulikumbi lize enu namukaya nakutachikiza nge Yami nguli muli Tata, Tata ali muli Yami, Yami muli enu, kaha enu muli Yami.” Talenu? Haze “lize likumbi.” Likumbi muka? Lize likumbi! Etu tunawane mangana akuswamana amanene a Kalunga anasoloka. Mamalelo, omu Ngwazanga chize!

¹⁰⁶ Mamalelo, tala omu sayasi na eli Lizu kaveshi kuhasa kuvipezalisa hamwe, nge omu vali nakulinga lelo. Vakiko kaveshi kuhasa kulinga chizeko shimbu kanda. Echi chili jino holili vanahase kuchilinga.

¹⁰⁷ Talisenu, Ikiye ambile ngwenyi, “vinjikizo vya mwilu, vinjikizo vya mwilu.” Sayasi, na vinjikizo vya lifuchi; jino

vakiko vapwile na vinjikizo vyavinene mwilu lelo, vakiko valinavakuya muutangatanga na vyuma vyosena. Oloze ava vakakuya muutangatanga navaya nakulinga ika na kaye, chinjikizo? Echi nachivanehela woma. Vakiko vanahono kutachikiza lwola muka vakiko kutuma chumachimwe nge ngachize na kuholola mitelemba, kaha etu katweshi chekako. Talenu? Jino chize chinapu chinjikizo nge vakiko vakwechi, kumona chakwivwisa woma mumelu. Talenu? Vakiko vakwechi, mitelemba na vyumavyosena, vinjikizo vyosena.

¹⁰⁸ Mwamono haze vakiko vafwachikile echi—echi chivwasano, likumbi likwavo, nge vakiko vapwile nakuya nakutuva kala mitelembi ikwavo nakuyisokolola, oloze jino vakiko navaya mwishi ya meya na kushikumuka mumavu, kweseka vakiko mwomumwe. Talenu? Vakiko vanafwachi chivwasano, “Etu katweshi kuli echi, kachi enu namuhanjika nge kamweshi kuhasa kuli echiko (oloze etu natuya nakukinduluka kwimbo na kulinga muli eyi jila; shimbu etu tunatachikiza nge enu mulinakulinga mwomumwe mujila yikwavo kuze).” Talenu? Kakweshi numba chumako, chili kaha...kakweshi kufwelela mukachi kavoko, kakweshi numba—kakweshi numba chumako. Enu munahase...Talenu? Kaha wosena kupwa wakujila hali umwe namukwavo. Chize chikiko chinjikizo chakuvwisa woma.

¹⁰⁹ Sayasi na muthu na mafuchi ananehe chinjikizo cha woma muutangatanga. Echi chili vene chakwoloka. Jino, kwivwa woma waumwe namukwavo. Kaha kuze kunapunga chinjikizo mumelu kuhana kuli va...Talenu jino, vakiko vakwechi chinjikizo mwilu nawa, chinjikizo chakwivwisa woma, muthu kuya muutangatanga; nahase kupwa na mitelemba yayinene, kaha nahase kuholola na kwenyeka lifuchi lyosena. Yako muli vase vakakuya muutangatanga, kaha imana haze. Kakweshi numba chuma nachivahonesa vakiko kuchilingako. Vakiko vanahase kulichilinga vene, vakiko...kala lwola vakiko vanatondo kulinga. Vakiko vanahase kumuneha mulukungu kachi vakiko vanatondo, oloze...muminyutu fifiteni kufuma hano. Kaha chuma umwe nahase kulinga, mukwavo mujila yikwavo, nawa. Shikaho, enu mwamono nge vakiko vakwechi chinjikizo, oloze uze muyachi kana wachinjikizo cheji kulingisanga kwivwa woma.

¹¹⁰ Vakiko kulinunga hamwe, kuhaka ngolo javo hamwe. Aka kaye kakukasunuka, vakiko kuhaka ngolo hamwe. Va communism kuhaka ngolo javo hamwe na Russia. Muthu wosena; oloze umwe wosena kwivwa woma wa umwe namukwavo. Talenu, chinapu chinjikizo chawoma. Echi chakwoloka. Chize chinjikizo cha lifuchi, na vyuma.

¹¹¹ Oloze Liuka linatambula Chinjikizo Chamwilu: kupwa Mukakutanga vyamuutangatanga! Amena! Yesu Kulishitu, mu chifwanyisa cha Panda ya mulangi Wakakahya; nge Ikiye apwilenga mu Tesitamende Yamwaka, nge Ikiye apwilenga

omwo Ikiye aliwanyine na Saulu hajila yakushikumuka ku Ndamashiku, uze youmwe Yesu hano lelo! Kaha chuma muka Chalingile? Kutala Chanehele woma? Chanehele zangi, kununga umwe namukwavo. Amena! Yakulivwilila umwe namukwavo. Chanehele Zangi ya Kalunga, mamalelo, kutununga etu na kuneha etu, nge Mujimba wa Kulishitu, mukulinunga nge Mwenga. Muze chilinakulinga jino, echi kulinunga chahinene chize Kalunga . . .

¹¹² Vakiko vali nakulinunga vavene, lizavu limwe *hano* kuzungisa likwavo, lizavu limwe kuze *hano* kuzungisa likwavo. Hano eli liuka kwimana mukachi kavakiko; enu talenu omu nachisoloka, nachiya nakulinunga na vakiko. Echi chili vene chakwoloka. Oloze, jino, etu tunawane nge chize chinanehe woma na kunyengetela.

¹¹³ Oloze Liuka, Mwenga, ali nakulinunga na Kalunga umwe, mwishi ya Shipilitu yimwe, Shipilitu ya Kalunga, muchimwe Kulikata chajila cha Kalunga, kupwa umwe Mwenga wajila wa Kalunga. Echi chakwoloka, vosena hamwe; kulinunga cha Mujimba. Ou Mujimba kuvandamina nge Mwenga; nge—nge omu Ali Mwenga, nge etu kusanyika etu vavene kupwa Mwenga. Mwomwo kulinunga chalwola cha Mwenga, eli Liuka chili nakwiza hamwe. Echi chatela kutunga zangi mukachi ketu, nge etu tunahase kupwa vakufuma kuli umwe namukwavo. Echi chakwoloka. Omwo enu, enu kamwatela kulemelela vathu kulombako, enu kamwatela kuvalemelele vakiko valifukule kuli Kalunga ko, enu kamwatela kuvalemelele vakiko valinge chize chakwolokako. Vakiko vatela kupwa muzangi chikuma na Ikiye, palanga kakweshi chuma chekako.

¹¹⁴ Chuma muka mushinyeka hali kanyike wapwevo, kanyike wapwevo wamwaza, uze mwaya nakusomboka kuli mukweze wamwaza nge namuzalukila muzangi na ikiye, chinalumbununa mweka kuhambakana chiyoyelo chenyi, kaha ikiye atachikiza hazevene vakiko navaya nakulimbata? Omu lize likumbi lyakulimbata nalipandama, uze mukweze wamundende, Ngulinakumulweka, ikiye mwaya mwosena “kutambuka nakujinguluka.” Talenu? Ikiye mwaya nakuwahisa vyosena; ikiye mwalihana mwosena kuli ikiye. Echi chakwoloka. Vyuma vyosena vize vyakumuvwisa kuwaha, mukiko kaha ikiye mwatonda kulinga. Chamwaza, muze mukiko chatela kupwa na Liuka lelo, mukiko chatela kupwa chiyoyelo chetu kupwa chakusweka muli Kalunga kuhichila muli Kulishitu, kujikiwa muze na Shipilitu Wajila.

¹¹⁵ Chuma chivene Ngunapunga nakunangula kuli enu hano, kumulweka enu vize vinjikizo na vyuma vyakuhandunuka kusoloka, Kangweshi numba nalwola lwakuchilinga jino; nge nachihashiwa shina mumujimbu ukwavo, nge Mwata nachitavila. Oloze kuli chuma chimwe chachindende chinahono Muliuka. Kaha etu twatondo ngachize, kumbata chize, kaha

Nguli kaha kusongo yacho jino. Talenu? Etu twatondo kumbata chize, kachi...enu mwatela kuchilinga chize. Kachi enu kamweshi kuhasa kuchilinga chizeko, mukiko kaha, enu mwatela kulinga echi. Mwomwo talenu, lwola lwakulinunga lunahete lyehi, mwomwo Kalunga ali nakuhaka Liuka hamwe kupwa—Kuhukula kuya kukulimbata Kulikata Chachinene: omwo Kalunga na muthu navaya nakulinunga mu Hayamyaka, omwo jitengeso ja lwola kulinunga na Hayamyaka.

116 Echi chalingikile muchifwanyisa cha Mwana muthu hano hamavu. Kaha Ikiye atela kuhana Kuyoya Chenyi kuneha ngolo, kununga vathu na Ngolo jojimwe, hali Mwenga wa Yesu Kulishitu. Kaha jino Liuka lili nakulinunga Livene ku Mujimba wa Kulishitu. Echi chili Chakukasunuka, kufuma kukala jingoji, kupwa Lyavene wakulizanga; kwiza hamwe, kulinunga mukachi kavu; mamalelo, zangi na kuwahilila, na Shipilitu Wajila kutambuka mukachi kavu. Mamaah, yami, lwola kana!

117 Nge omu tuli nakumona vapato kupwa vakulizanga, etu twamono tulukuluku kupwa vakulizanga, etu twamono chisuma...vapuka kupwa vakulizanga, etu twamono mavwe kupwa akulizanga kunoka vula, etu twamono vyuma vyosena; omu vili nakulinunga vivene hamwe, mwomwo kuli kushinjika chachinene. Etu twamono League of Nations, kuhaka mafuchi hamwe, kulinunga vavene mu communism. Etu twamono vakiko kulinga vavene haze mu Kaye ka Kumulauko. Etu twamono liuka kulinunga livene hamwe, vyosena evi vikwavo. Shikaho chili vene chachikalu, kakweshi lwola lukwavoko lunahase kupwa nge mujila kanako; echi kachi kachapwile mujila kanako nge mumyaka twende kunyima okwo, kachi chapwanga mujila kana. Kachi chapwanga mujila kana teni myaka kunyima okwo, chatela kupwa chakwoloka jino. Talenu, mwomwo evi ism na vyuma kachi kavyejileko kuli echi chihelako.

118 Jino tona! Linyikise ove lyavene, washi washi, kaha tala hano kuli tuli jino! Tuli kulihi? Nge vaze malunga vakamangana, etu tuli mumukana woumwe na Lizu Lyenyi, kaha Kumunyika cha Mwata chili nakumunyika mujila yetu. Upahu kuli Kalunga uze ali Helu. Kaha Upahu kuli Kalunga Uze atuhanyine Yesu Kulishitu, Uze etu twazanga, kaha natuhane etu echi chihela. Kaha nge etu...Etu twapwa vathu Jenyi, vakulanda na ndando ya Manyinga Eyi.

119 Mamaah, yami! Omwo lwola lwakulinunga nalwiza, etu tulinakutala, nge etu natulinunga umwe namukwavo mukashiwa cha Shipilitu Yenyi, etu...Yinahase kupwa Shipilitu Yenyi? Punduvane, Yinapu Shipilitu Yenyi. Mwomwoika Echi? Linapu Lizu Lyenyi, kaha Ikiye ali...ize yinapu Shipilitu ya Lizu. Kaha omwo ize Shipilitu ya Lushiko kwiza hali enu na kwinjikiza na kusolwesa Lyavene hano vene, echi Ili Shipilitu youmwe? Yapwilenga Umwe uze apwilenga

na Mose muze mupambo! Yapwilenga Umwe apwilenga hali Yesu Kulishitu! Ikiye apwile Umwe aliwanyine na Saulu mujila yakuya ku Ndamashiku! Ikiye youmwe zau, lelo, na hayamyaka! Kaha Ikiye eji kulinga chuma chochimwe!

¹²⁰ Kaha etu twamono mafuchi kupwa hamwe, etu twamono liuka kuhaka mitwe hamwe, etu twamono commuinism kupwa hamwe, etu twamono isms kulinunga, etu twamono vyosena vyuma; kaha jino etu twamono Mwenga kulinunga na eli Lizu. Mamaah, yami! Lunapu lwola lwa vakakujila kukatuka nakulinunga navaze vakakuyoya, kuya na kulinunga na Yesu Kulishitu mu Hayamyaka.

¹²¹ Echa Kalunga atukafwe etu, muthu wosena, kulinunga na Kulishitu ufukuuno, etu natuya nakulihana etu vavene vyuma vyosena nge etu tuli, vyuma vyosena etu tuli nayoy, mwono wosena, mujimba, na vishinganyeka, kuli Yesu Kulishitu, na kutala ha lwola lwa kulinunga.

Omwo ndolombita ya Kalunga nayikemba,
kaha lwola kalweshi kukapwako,
Kaha chimene nachikeza Hayamyaka,
kwazwalala kaha kwamwaza;
Omwo vaze vanafu muli Kulishitu navakaya
nakusanguka na kukunguluka kusala
yakalwiji, (na Mwenga uze ayoya, kutuhula
hamwe.)

¹²² Tala ha kulinunga! Kalunga kulinunga na Liuka na Lizu Lyenyi, Lizu na Liuka, nge vakiko vosena vapwa vovamwe, “Kuhanjika *echi*, kaha nachiya nakusoloka. Linga *echi*, kaha nachiya nakusoloka. Echi chikiko echi; echi chili Yami kumeso ove, chili Yami kwinjikiza echi; chili Yami na ove.” Chosena chakwoloka.

¹²³ Etu tunawane jino lwola nalwiza omwo Ndolombita najivuma, kaha vaze vakakujila vanasavala tulo kuze, vakiko kaveshi kupwa vakukupuka chakuzeneka etu; vakiko vanemanyina hali etu (Hepelewu11); kaha omwo vakiko neveza hamwe, vakiko kulinunga na vamwe vakakuyoya. Eli Liuka kulinunga na Lizu, kahajino Liuka na Lizu kulinunga hamwe, kupwa nakupwa umwe. Vaze vakakujila vakufwa navaze vakakujila vakuyoya kulinunga hamwe kupwa umwe; kaha vaosena kuya hamwe nakulinunga na Kulishitu kuze, ku Kukulya Chachingoloshi cha Mwana mukoko.

¹²⁴ Lunapu lwola lwakulinunga, kaha vinjikizo kutuka kwosena. Vize vinjikizo vili mumafuchi, vinjikizo vinapu communism, vinjikizo mu Mukaye ka Kumulauko, vinjikizo mu Kasulu ya Mauka. Kaha Chinjikizo chili hano ufukuuno mwishi ya utwamina wa Shipilitu Wajila, kaha Lizu lya Kalunga kwinjikiza na kulingisa Muchano. Amena! Lwola lwakulinunga! Chize chinjikizo cha Lwola Lwakulinunga!

Echa tunongamenu mitwe yetu.

¹²⁵ Mwata Yesu, nge muchima wami wakuhutwa ha kuwahilila, nge omu Ngunamono kuhasa chami, vupu yalunga, olozenyi, kuhasa chami kumona Enu kwiza nakwingila muli echi chisemunuino; kupwa vakuyoya na kwimana hano, nakutala omwo Ndolombita kuvuma, “Ikiye uze ali namajilo, ali majilo kaha. Wosena uze ali wakwoloka, ali wakwoloka. Wosena wakujila, ali wakujila.” Ove Mwata Kalunga!

¹²⁶ Kaha kushinganyeka etu kwimana, mukatando kakandende, mukutemwina cha liso, omwo kaye vanahono kutachikiza chuma muka chinakulingika, oloze kukasumuka, enu namuya nakumona kusoloka kumeso enu, vase venu vakuzanga valivanga lyehi, atela kwiza nakulinunga na enu cheka. Kaha etu natuya nakupwa vakwalumuka hatatondo yayindende, mukutemwina chaliso; kaha nakutuhukula, hamwe, kuliwana na Mwata muutangatanga. Kaha jino kulinunga na Ikiye, kupwa kuze hayamyaka, na hayamyaka nakufuma ku Meso Eyi cheka.

¹²⁷ Chuma kana omwo chatohwa lelo, Mwata, kutachikiza nge jino etu tuli vakulinunga na Shipilitu imwe. Shipilitu Yimwe, Shipilitu Yimwe, likwechi Lizu mumahunda Eyi, kwiza muli etu. Kaha chuma kana omu chatohwa, lisesa kana lya kuvathuka kufuma mukaye kwosena, kulinunga etu vavene kuli Yesu Kulishitu. Kaha kushinganyeka nge likumbi limwe, mu chifwanyisa chamujimba, na mujimba nge upahu Wenyi Ivene, etu natukaya nakutwama kumesa ha Kumbachisa Chachingoloshi kaha kuze kupwa wakulinunga na kulimbata muulo na Ikiye; kuyoya nge Mwenga na Samwenga kuhichila mulwola lwosena luze nalwiza, kuhichila mu mukuyoya cha Hayamyaka.

¹²⁸ Mwata Kalunga, echa echi kacheshi kupwa nge vishinganyeka vyakulota kuli vathu, oloze echa kwiza kupwa hatoma palanga zala na pwila mwaya nakutwama muli vathu uze vakiko navaya. . .kutanga papilo amijimbu, kutala hali. . .kwivwulila ha chizaji na mijimbu, na kutala lwola lwakulinunga. Vize vinjikizo kutemwina.

¹²⁹ Mwata Kalunga, nge omu twejikuhanjika hali uze pwevo, chuma vakiko navahasa kulinga mumakumbi akumakumishilo; liuka muka naliya nakulinga mumakumbi akumakumishilo; kaha chuma muka Chisemunuino cha Liuka nachiya nakupwa, kaha Tutachikijilo muka natuya nakupwa, vyuma vyosena vikwavo. Kaha etu kumona omu chapwile, mumakumbi a Nowa. Etu kumona nge omu chapwilenga, mumakumbi a Satome na Lot, omwo Kangelo ka Kalunga alilingishile Lyavene kumutachikiza munyama ya uthu, nge lyenu nyama ya ngombe nakunwa mavele kufuma kungombe, na kulya mukate; nakwimana kuze na kulweka chuma muka nachiya nakupwa

kunyima Yenyi. Kaha Yesu ambile ngwenyi chuma chochimwe nachiya nakusoloka ha kwiza cha Mwana muthu.

¹³⁰ Mwata Kalunga, etu twamono kaposhi, omu etu tunahase kutunga kuze, kaha kumona omu etu twahakanga vyuma kana; na kuwana nge etu tuli kulwola lwamakumishilo, kuvandamina hali uze Mwangana Lilolwa lya mumbanga. Upahu kuli Kalunga! Etu twalombo, Tata, nge Ove muya nakutonesa vathu, washi washi jino, na kukunguluka hamwe, na zangi yaukalunga na kalemesa kuli Yesu Kulishitu naumwe namukwavo.

¹³¹ Kachi nakuya nakupwa chuma chimwe hano ufukuuno uze kaweshi kuhasa kupwa na lutalililo kupwa mukachi kenu, munahase kuzundula livoko kuli Kalunga nakuhanjika, “Mwata Kalunga, ngunungenu na Ove, ngunungenu na Ove”? Kalunga akukisule ove, ndumbu walunga. Kalunga akukisule, kaha enu, enu; eyo. “Ngununge na Ove, Mwata.” Eyo! Mamaah, yami!

Mafuchi kuhokoka, Isalele kutona,

¹³² Tala ha Isalele kuze, kulinunga hamwe. Isalele, kufuma kukaye kwosena, vaneza na kuliwana vavene; na kulinunga vavene kaha jino vakiko vanapu lifuchi. Akiko anapu mafuchi akulinunga: na ndembele yavo, na mali avo, maswalale javo, vyuma vyosena; kachi vakiko vapwilenga, vakiko jino vali. Isalele kulinunga, Loma yapwa yakulinunga, liuka lyapwa lyakulinunga. Kaha Mwenga ali nakulinunga, amena; kaha kwiza cha Kulikata Chachinene. Chuma muka echi? Echi chili chosena nakutambuka nakuya kuli chize Chinjikizo, nge Chinjikizo chivene, Yesu na Mwenga Wenyi kulinunga kupwa umwe.

¹³³ Tata Kalunga, tuhane eji jikisu jize Ngwalombela vathu, kaha echa etu tupwenga vakulinunga kuli Ove mu muchima na shipilitu, nge omu navazundula mavoko avo, kufwila chize. Mwata Kalunga, tukose na kutulingisa kupwa Vove; tuhane echi, Mwata. Omu mukiko etu vosena tunatachikiza kaha etu tunahase kulinga echi, chili kulomba. Kaha jino Ove wambile ngwavo lombenu na kufwelela, etu twatela kutambula echi; Nguli nakutala hali echi, Mwata. Ngwamisakwilila Enu mu Lijina lya Yesu Kulishitu. Amena.

Ngwamuzanga Ikiye, Ngwamuzanga Ikiye,
Mwomwo Ikiye avangilile kunguzanga yami,
Kaha alanjile ulwilo wami
Ha mutondo wa Kavali.

Amena. Mamaah, yami!

Tala, Samwenga ali nakwiza!
Ngunevu kutambakana cha mukachi kaufuku!
Etu natuya nakutambakana, kachi etu vosena
kulovoka,
Kaha kuliwana na Ikiye muutangatanga.

Tala na kulomba, ndumbwami walunga,
 Kuchina mthuumwe mwakumbata muchama
 wove,
 hakupwa wasalusalu kaha mukakuhiluka
 kunyima
 kaveshi kuhasa kuvwala uvwalo waulo.

¹³⁴ Echi chakwoloka. Echa tupwenga vakulizanga kutambakana chaufuku. Echi chili nakwiza mu ola omwo mwahono kushinganyeka. Nakukaya nakupwa kutambakana, mukachi ka vakakuzeneka kufwelela mukaye; nachikaya nakupwa chakuswamana. Oloze vakakufwelela, vaze vali nakutala hali echi: Enu mwamono vaze vatanganyika kwiza mumukana? Talenu? Chuma muka chanehele? Kupwa kaha nge echi chalingikile lwola chatete. Talenu, hano etu tuli hano, vinjikizo vilinakwiza.

Etu kumona vinjikizo kusoloka cha Kwiza
 chakukisula Chenyi,
 Lelo, tala mafwa amikuyu jino kwiza nakupwa
 muulombo wamafwo amatamba;
 Mujimbu Wamwaza wa Wangana unanyi
 kulifuchi lyosena;
 Kaha etu tuli hakamwihi, makumishilo
 vanahase kuchimona.

Kahajino mukuwahilila, kweka, etu natuya
 nakupwa kutohwa cha Mujimbu wa kukisula
 Chenyi kusoloka,

¹³⁵ Echi chakwoloka? Mamalelo, “Kutohwa cha Mujimbu wa kukisula Chenyi kusoloka!” Echi chikiko etu twatela kulinga. Kulweka muthuwosena, “Kupwa vakulizanga, vakuwahisa kuliwana na Kalunga.” Amena! Ngwamuzanga Ikiye. Mamalelo, omu Ngwamuzanga Ikiye. Jino, echa twimane hamahinji jino. Shimbu natulisalisa umwe namukwavo, olovela kuli mukwenu na kulimeneka umwe namukwavo, na kuhanjika:

Palanga etu natukaliwana!

Limenekenu mumavoko, jino.

. . . palanga etu natukaliwana!
 Palanga etu natukaliwana kumahinji a Yesu;
 Palanga etu. . .

Anuka, enu munahase kupwa nakusanyika, Kuliwana chetu chinahase kuli wana kumahinji Eyi.

Mamalelo, Kalunga apwenga na enu palanga
 natukaliwana cheka!

¹³⁶ Jino, shinganyeka kaha, shimbu kanda etu tuliwane cheka; shimbu etu tuliwane ha Chalumingo nachimene, mokomoko Chatatu na ufuku, echi chinahase kupwa ngachize. . . chuma chatete enu munatachikiza, muthu najimbala. Ou umwe

kujimbala, na vakiko vanayi. Mamalelo, kushinganyeka lunga lyove kujimbala, mokomoko pwevo lyove kujimbala, kaha—kaha pwevo ya John kujimbala, kaha—kaha—kaha hano vanyike vanajimbala. Vyosena kusoloka (chuma muka chasolokele?), kahajino enu vanamiseze kunyima!

Mamalelo, kulila kana na kulingenjuka omwo vase

Vakujimbala navakavalweka ukalu wavo;
Vakiko kutambakana kumalolwa na kujipili,
(Nge Isalele, hakukinduluka mumbongi,
kuya ku tembele.)

Vakiko valombeke oloze malombo avo apwile akukotokela. (Vakiko vakanyine Mujimbu.)

¹³⁷ Mamalelo, ndumbu walunga, kanda kalinga ngachizeko. Kala chuma enu namulinga, imana muungazule! Eyo, mwane!

¹³⁸ Jino, palanga etu natukaliwana, natuya nakulinga echi:

Mbata Lijina Iya Yesu na yove,
Nge kupwa Nalukepwe kufuma
kukuzakamina chosena;

Omwo vyeseko kukujinguluka, (Chuma muka mwatela kulinga?)

Hwima eli Lijina Iya Jila mukulomba.

Lijina Iya Mwaza, Mamalelo omwo Iyayema!
Lutalililo Iwa mavu na kuwahilila cha Mwilu;
Lijina Iya Mwaza, Mamalelo omwo Iyayema!
Lutalililo Iwa mavu na kuwahilila cha Mwilu.

¹³⁹ Echa etu tunongame mitwe yetu jino, shimbu natungunguta:

Ha Lijina Iya Yesu kunongama,
Kuholoka ulukutu kumahiji Enyi,
Mwangana wa va myangana mu Melu...
muvwekenu Ikiye,

Omwo ungeji wetu naukakuma. (Nachikaya nakupwa, likumbi limwe.)

Mamalelo Lijina Iyawaha, (Lijina Iyawaha!)
Mamalelo omu Iyayema!

Palanga etu natukaliwana cheka, Kalunga apwenga na enu.

Lutalililo Iwa mavu na kuwahilila cha Mwilu;
Lijina Iyawaha, Mamalelo omu Iyayema!
(Omu Iyayema!)

Lutalililo Iwa mavu na kuwahilila cha Mwilu.



LWOLA LWA KULINUNGA NA CHINJIKIZO LVE63-0818

(The Uniting Time And Sign)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Kukumi 18, 1963, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2021 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org